

COLLECTIO

BULLARUM, CONSTITUTIONUM, BREVIUM, AC
DECRETORUM OMNIUM AD SERAPHICUM
S. BONAVENTURÆ COLLEGIUM

IN CONVENTU PP. M.M.S. FRANCISCI CONVENTUALIUM
SS. XII. APOSTOLORUM DE URBE

A

SIXTO V.

PONT. OPT. MAX.

EX EODEM ORDINE ASSUMPTO AN. 1587.
ERECTUM, SPECTANTIUM,

IOSSU EMINENTISSIMI, AC REVERENDISSIMI D.

M A R I I

CARDINALIS MAREFUSCHI

PREFATI COLLEGII PROTECTORIS VIGILANTISSIMI

REGENTE, AC RECTORE IN EODEM COLLEGIO
REVERENDISSIMO P. MAGISTRO

PHILIPPO SCOCCIACAMPANA

DE CIVITATE-NOVA EX PROVINCIA MARCHIÆ,
IN ORDINEM REDACTA:

Cui, præmissa ejusdem Eminentissimi Protectoris Præfatione, accedit
ad calcem accurata omnium Protectorum, Comptectorum,
Vice-Protectorum, ac Regentium series.



ROMÆ MDCLXXX-EX TYPOGRAPHIA PAULI JUNCHII.

SUPERIORUM PERMISSU.

I M P R I M A T U R .

Si videbitur Reverendissimo Patri Magistro Sacri Palatii Apostolici.

Fr. A. Marcucci Episcopus Montis-Alti Vicegerens .



I M P R I M A T U R .

Fr. Pius Thomas Schiara Ordinis Prædicatorum Sacri Palatii Apostolici Magister .

M A R I U S

Tit. S. Augustini S. R. E. Presbyter
 Cardinalis Marefufcus, Sacrofanctæ
 Basilicæ Lateranensis Archipresby-
 ter ; SS. Rituum Congregationis
 Præfectus, & Collegii S. Bonaven-
 turæ cum auctoritate Apostolica
 Protector.

*Universis Scholaribus, & Alumnis
 Collegii salutem in Domino.*



LX quo Sanctissimus Pontifex
 PIUS VI. ob eximium virtu-
 tum omnium splendorem toti
 Terrarum Orbi spectatissimus, & æquita-
 tis, ac justitiæ cultor integerrimu, per
 suam decretalem Epistolam Me, utpote in-
 ter Marchiæ Anconitanæ Cardinales Anti-
 quiolem, juxta mentem immortalis memo-
 riæ

riæ Prædecessoris sui Sixti V. hujus vestri Collegii Auctoris , & Apostolicæ Sedis fastigio , Patronum declaravit , statim intellexi , eas esse impositi muneris partes , ut quæ ad utilitatem , decorem , & incrementum Collegii ejusdem pertinere possunt , diligentissime curare debeam . Cum autem Societates omnes , & Religiosæ præsertim , tunc tranquillæ sint , floreatque quammaxime , quando legibus potius , quam imperio reguntur , rem vobis utilem me facturum existimavi , si leges omnes sive in ipsa Collegii institutione sapienter statutas , sive pro temporum conditione a Majoribus prudenter additas , typis denuo mandatas vobis singulis exhiberem . Hac enim veluti nova earumdem promulgatione illud futurum confido , ut si quid pro labili humanarum rerum ratione desuetudine fortasse negligitur , ad pristinam observantiam revocetur , aut si aliquid contrarium ex humana infirmitate irrepsit , sit penitus eliminandum .

En igitur vobis , optimæ spei Adolescentes , libellus , quem veluti primum paternæ meæ erga vos sollicitudinis pignus , respicere debetis . Illud vero præ cæteris

vobis

vobis persuadeatis oportet, statuta omnia in ipso contenta eo unice spectare, ut qui in Collegium sunt adlecti religiosis moribus ita informentur, & rerum divinarum scientia imbuantur, ut præ cæteris spectatissimi Ordinis vestri Alumnis in Domo Dei fulgère debeant. Hinc enim intelligetis, me tunc solum Protectoris vestri munere rite functurum, cum nec precibus parcens, nec auctoritati, si opus fuerit, quæ ad exoptatissimum finem conducunt, promovere pro viribus conabor. Qua in re sicuti, Deo adjuvante, partes meæ non desiderabuntur, ita ne vestras umquam desiderari patiamini oro, obtestorque. Si enim quemlibet Ecclesiasticum Hominem dedecet quammaxime nugæ Sæculi inquirere, & otio torpescere, quia sublimitas loci, quem occupat, ab omnibus exigit, (1) *ut se ipsum præbeat exemplum bonorum operum in doctrina, in integritate, in gravitate*, quanto magis turpe foret, & iniquum, si vos, qui veluti prædilecti Filii singulari Apostolicæ Sedis beneficio in ipso sinu Ecclesiæ positi estis, peculiari cultu exculti, pluribusque privilegiis aucti, (2) *ut tanquam feraces agri Domini*

plan-

(1) 2. ad Tit. c. 7. (2) Sixtus V. Bulla erectionis Collegii.

plantæ in Sacris Scripturis exponendis, interpretandis, ac publicis verbi Dei concionibus habendis, aliisque spiritualibus officiis, & ministeriis obeundis, sanæ doctrinæ germina latius effundere, & speciales fructus ad communem utilitatem, & salutem producere valeatis; Si vos, inquam, tot gratiis indigne abutentes, nec iis disciplinis animum excolere, nec iis moribus informare sedulo studeretis, qui præclaris explendis muneribus, quibus estis destinati, prorsus requiruntur.

Sed de vestra diligentia, de recta vitæ institutione quidquam sinistrum suspicari prohibet ingenua indoles, qua præditi estis, prohibet severior disciplina Seraphici Instituti, cui a teneris annis nomen dedistis, prohibent jam præbita ingenii specimina, quibus illustri huic Collegio adscribi promeriti estis. Hæc sane talia sunt, quibus incertam spem animus erigitur, ita vos munere vestro esse functuros, ut increpationibus numquam locus esse debeat.

Quia vero experientia docuit, irritos esse conatus, qui ad morum informationem, scientiasque comparandas adhibentur, nisi probata methodo id fiat, idcirco pro ea sollicitudine, quam gero de rebus vestris,

VOS

9
vos admonendos censeo , ut eam pietatis ,
studiorumque viam caute ineatis , & percur-
ratis constanter , quæ ad præstitutum finem
recta conducat , ne falso fulgore decepti
inanis cujusdam pietatis, scientiæque umbram
sectantes , aberretis quam maxime , nullum-
que laborum vestrorum fructum reportetis .

Scopulum hunc evadere facillimum
erit , si Regula S. Francisci , quam professi
estis , de manibus numquam excidet , atque
ad eam universas actiones vestras diligenter
exigere curabitis . Si quod dubium exur-
git , Rectores Collegii , & si qui alii sunt ,
vitæ vestræ regendæ præpositos cum fidu-
cia , & humilitate consulere debetis , ipsos
ut Parentes diligere , promptamque obedi-
entiam casto , religiosoque animo iisdem præ-
stare .

In Studiorum autem curriculo perfi-
ciendo tutissima erunt vestigia vestra , si ea ,
quæ majores nostri signarunt , neque ad
dexteram , neque ad sinistram flectentes , con-
stanter premetis . Sacrarum Scripturarum
meditatio , Sanctorum Patrum traditio , de-
creta Summorum Pontificum , canones Con-
ciliorum , sunt illi purissimi fontes , ex qui-

bus quotquot in Ecclesia floruerunt Doctores
 eximiam illam hauserunt sapientiam , qua
 Christianam Religionem illustrarunt , ejus-
 demque hostes tanta cum felicitate proflig-
 arunt . Fontes istos & vos adire debetis ,
 & ne immensa fere rerum discendarum mole
 obruamini , ille ordo est servandus , quo
 via planior reddatur , & commodior ; quod
 facile assequemini , si eas rejiciatis quæstio-
 nes , quæ , ut Lactantii Firmiani verbis
 utar *nec ignorantibus nocent , nec scientibus juvant* .
 Hanc vobis studiorum methodum præscri-
 bent Collegii Moderatores , quibus Pro-
 vinciam hanc lubentissime relinquo , ni-
 hil dubitans , quominus pro ea , qua præ-
 diti sunt , doctrina per amplissimos Theo-
 logiæ campos ita vos manu ducent , ut
 uberrimas sacræ scientiæ segetes colligere
 valeatis .

Quamquam in hac re non admodum
 vobis adlaborandum erit , si domestico sa-
 pientissimo Doctore , vestrique Collegii Pa-
 trono sanctissimo Bonaventuræ fideliter ad-
 hærebitis . Admirabili ordine , summaque
 perspicuitate de Christianæ Religionis do-
 gmatibus , de divinis præceptis , & Ecclesiæ

ordi-

ordinationibus differit S. Bonaventura , atque ita docet , ut Seraphicus ille spiritus , quo ipse erat inflammatus , emicet undique , atque ad eas veritates , quas intellectus legendo conspicit , amandas voluntatem suaviter inclinet . Vidit hoc perspicacissimus Collegii Conditor æternæ memoriæ Pontifex Sixtus V. , (3) qui proinde illum studiorum vestrorum Ducem esse voluit , solemniterque decrevit , cui utique decreto , ad utilitatem vestram tanta cum prudentia lato , omnino standum esse , me etiam non moneute , satis intelligitis .

Dum autem auditis , totis viribus Theologiæ vobis esse incumbendum , ne putetis , humaniores litteras , naturalesque scientias a Collegio vestro prorsus eliminandas . Ab hisce studiis numquam abhorruit Ecclesia ; cavet tantummodo , ne ii , qui sacris ministeriis sunt addicti , illorum illecebris ita se abripi sinant , ut ea negligant , quæ propria munera propius attingant . Hinc si hujuscemodi facultates sobrie , & recto fine excoletis , nedum nemo id vobis vitio vertet , sed potius ejus laudis participes eritis ,

B 2

quam

(3) *Vide Bullam præcitatam.*

quam sibi pepererunt amplissimam quot-quot fuere Christiani Doctores, qui in profana Philosophia versatissimi ex iisdem fontibus, ex quibus tela sumebant scelesti homines ad sacra dogmata impetenda, eosdem penitus confutarunt.

Ceterum mementote, veritates omnes cujuscumque ordinis sint, nihil vobis profuturas, si non alia ratione discantur, nisi ut alatur curiositas; *nihil valere ingenium recte ait Augustinus (4) per omnes scientias agile, si in doctrinam pietatis erretur: Scientia enim clamat Apostolus (5) inflat, charitas autem edificat.* Scientiam itaque adhibere juxta præclarum ejusdem Augustini monitum (6) *tamquam machinam quamdam, perquam structura charitatis assurgat, quæ maneat in æternum etiam cum scientia destruetur, quæ ad finem charitatis adhibita multum est utilis, per se autem ipsa sine tali fine, non modo superflua, sed etiam perniciosa probata est.*

Hæc est, optimi Adolescentes, regalis illa via, per quam Majores vestri ambulantes ob summam probitatis, & doctrinæ famam, quam sibi compararunt, omnium ore commendantur. Longum contexere possem

(4) Lib. 4. c. 4.

(5) 1. Cor. c. 4.

(6) cit. lib. c. ult.

sem cathalogum, si locus hic esset, præclarorum Virorum, qui in hoc Collegio educati, & instructi, nedum Ordinem vestrum, verum & Ecclesiam universam bonorum operum splendore illustrarunt. Duos tantummodo mihi licet in medium afferre, Laurentium scilicet a Laurea, & Laurentium Ganganelli, quorum primus post expletum Theologiæ cursum in vestro Collegio, postea a Summis Pontificibus indirimendis controversiis, quæ suo tempore ad Sanctam Sedem deferebantur, feliciter adhibitus, Vaticana purpura meruit insigniri, ejusque nomen apud doctos Viros immortale erit, sicuti immortalia erunt Volumina, quæ juxta saniora sacrae scientiæ principia conscripsit. Alter vero primum Collegii Alumnus, tum studiis Præfectus, ob fidelem operam Summis Pontificibus in negociis gravissimis navatam, sacro Cardinalium Collegio cooptatus, ad ipsam Principis Apostolorum Sedem, toto Catholico Orbe plaudente demum evectus fuit. Tanti Pontificis memoria non apud me solum, qui ob collatam Cardinalitiam dignitatem, aliaque præstita beneficia, peculia-

culiaribus titulis eidem me devinctum gratus, lubensque profiteor, sed etiam apud Ecclesiam universalem ob splendidissimas virtutes, ob res præclare gestas, & ob exantlatos labores ad pacem Populo Christiano procurandam, fovendamque, quandiu durabit ætas in benedictione erit.

Ab sit, ut quisquam vestrum degeneri conversatione adeo vilescat, ut tantam gloriam Collegio vestro a Majoribus comparatam vel minimum obscurari patiatur. Si fluxarum rerum amor vel invitos vos trahit aliquando, si laboribus, & difficultatibus animi frangantur, præstantissimos Viros, qui vos præcesserunt, respicite. Exemplum eorum stimulos acuet ad semitam virtutis, quam ingressi estis, caste percurrendam: Ipsi rebus gestis efficacius, quam verbis incessanter indicabunt, quid exigat conditio vestra, quid postulet Collegii decus, quid ejusdem Auctor, & Benefactor eximius Sixtus V. a vobis voluerit, atque eorum vestigia prementes spem de indole vestra, de vestro ingenio præconceptam feliciter explebitis. Valete.

Dabam ex nostro Palatio X. Kal. Septembris MDCCLXXX.

BULLA



B U L L A

FELICIS RECORDATIONIS

SIXTI QUINTI

*Pontificis Maximi Ordin. Minor. Conventualium
S. Francisci super Ereptione Collegii
Sancti Bonaventurae.*



SIXTUS EPISCOPUS Servus Servorum Dei .
Ad perpetuam Rei Memoriam . Ineffabilis
Divinae providentiae altitudo, cujus nutu or-
dinationem suscipiunt universa, jam inde ab
ibso Apostolicae praedicationis primordio, al-
mam Urbem Romam adeo copiosis coelestium gratiarum
donis, ac praerogativis cumulavit, ut quae antea per tot
saecula variis superstitionibus, quasi quibusdam praestigiis
decepta, ac seducta tenebatur, quaeque fuerat erroris
Schola, tunc primum glorioso Beatissimorum Petri, &
Pauli Apostolorum martyrio Deo omnipotenti consecra-
ta, sinceraeque, ac solida Christianae Religionis doctri-
na illustrata, Divinae sapientiae, ac veritatis, sacrarum-
que;

que literarum publicum Gymnasium esse inciperet , & ab ipsa , quæ Orbis terrarum regebat imperium , tanquam à summa , ac primaria omnium Provinciarum Sede in omnes partes lux illa veritatis sese diffunderet , quæ pro communi humani generis salute divinitus tradita , tunc recens per eosdem Apostolos in tetra illa errorum caligine mundo fuerat revelata . Et exinde diversi Romani Pontifices nostri Prædecessores sancto propagandæ fidei zelo accensi , eam Pontificis munere dignissimam susceperunt curam , ac sollicitudinem , ut eandem Urbem , unde vera pietas , religio , & doctrina in omnes Gentes , ac Nationes perpetuo disseminanda erat , alii Religiosi Collegiis , & Universitatibus ; alii publicis , & sacrorum librorum Bibliothecis ornarent , atque augerent . Sic quoque Nos , qui regulari habitu Ordinis Fratrum Minorum Conventualium Sancti Francisci ab ineunte ætate suscepto , illius Regulam , & instituta solemniter , ritèque professi sumus , cum Romæ in Domino ipsius Ordinis apud Sanctorum Duodecim Apostolorum Basilicam Verbi Dei Concionatoris , & postea universi Ordinis Minorum Procuratoris , ac demum Magistri Generalis amplissimis muneribus fungeremur , Domum prædictam non modo fabricis , atque ædificiis , sed etiam Bibliorheca auximus , atque ornavimus , non sine flagranti desiderio aliquod ibidem Collegium , ac divinarum literarum , sacræque Theologiæ studium instituenti . Quare nunc demum ad celsissimam Pontificatus Sedem , immensa Divina clementia , nullis nostris meritis , proventi , rei optimè perficiendæ propositum diutius non duximus differendum , cum præsertim hoc à Nobis exposulare videatur , non solum Apostolici muneris divinitus fidei nostræ commissi sollicitudo , præcipuaque illa , qua Urbem hanc nostram diligimus , charitas , & studium , quo illius ornandæ maximo flagramus , sed planè flagitet Beati Seraphici Francisci Regularis Ordo ,

cx.

ex quo tot Summorum Virorum , doctrina , & sanctitate præstantium Religiosæ Cohortes , & copię ad Ecclesię Dei propagationem , & defensionem prodierunt , ut quod olim salic. Record. Innocentius Papa III. Prædecessor Noster præsignificavit , dum Beatum Franciscum ipsius Ordinis Parentem , & Auctorem , suis humeris Lateranensem Basilicam collabentem sustinere in somnis vidit , id deinde communi bono Reipublicę Christianę ipse rerum eventus comprobarit . Idem enim Franciscus ea sapientię suę semina edidit , ea reliquit continentię , abstinentię , ac susceptorum pro Christo laborum tolerantię documenta , ut qui ejus Regulam sequuti sunt , quasi novę sobolis fœtus adoptati , ac salutaribus præceptis instructi , perpetua futurorum temporum successione universę Catholicę Ecclesię ornamēto extiterint . Siquidem multi ex ipsis sanctitate , atque eruditione insignes tanti Patris , & Magistri hortatu , atque exemplo excitati , multis , variisque Provinciis peragratis , Nationes in tenebris aberrantes ad disciplinę Christianę lucem revocarunt , ac convulsis vitiorum , atque errorum radicibus , Verbi Dei , quod velut imber de Cœlo descendens , terramque inebrians , facit eam germinare , pia prædicatione mentes hominum fecundarunt . Et usque adeo præclari hujus Ordinis , tum sanctitatis , tum doctrinę odor jam inde magis ab initio in omnem terram se diffundit , ita in dies magis hujus sanctę familię Alumni , juvante Domino , profecerunt , ut pię memorię Gregorius IX. , & Gregorius X. , alique Romani Pontifices , etiam Prædecessores nostri ad res Ecclesię maximas gerendas ejusdem Ordinis Professores adhibuerint , ac potissimum duos illos spectatę pietatis , & doctrinę , qui Legati Apostolici ab eodem Gregorio X. Constantinopolim missi , Gręcos ad Sanctę Apostolicę Sedis obedientiam , Tartaros ad Catholicam fidem reduxerunt ; quin etiam constans opinio fuerit , Seraphici Doctoris Sancti Bonaventurę opera in Concilio Generali Lugdunensi idem egregie perfectum fuisse ,

& longum sit recensere cæteros complures ejusdem Ordinis Regulares, qui per illorum gloriosa vestigia pleno gradu Incedendo, continuata tot Sæculorum serie, ad nostram usque ætatem uberrimos ad Dei gloriam, & Animarum salutem in sancta Dei Ecclesia fructus protulerunt. Cum itaque Monasterium Sanctæ Mariæ de Arabona Sancti Benedicti, vel Cisterciensis Ord. nullius Diocesis Provinciae Theatin. quod bonæ memoriæ Jacobus Episcopus Portuensis S. R. E. Cardinalis Sabellus nuncupatus, ex concessione, seu dispensatione Apostolica in Commendam, dum viveret, obtinebat, Commenda ipsa per obitum ejusdem Jacobi Cardinalis, qui nuper apud dictam Sedem naturæ debitum persolvit, cessante adhuc eo, quo ante Commendam ipsam vacabat modo, nec non perpetua Cappellania sub Invocatione Conceptionis, seu Nativitatis Beatæ Mariæ Virginis in Ecclesia Vcliterna per obitum quondam Joannis Petri Ghislerii, aliàs de Consiliariis in dicta Ecclesia dum viveret, perpetui Cappellani, apud Sedem eandem defuncti vacaverit, & vacet ad præsens, nullusque de dicta Cappellania, præter Nos, pro eo quod dudum omnia beneficia Ecclesiastica apud Sedem prædictam tunc vacantia, & in antea vacatura, collationi, & dispositioni Nostræ reservavimus, ac ex tunc irritum, & inane decernimus, si secus super his a quoquam quavis auctoritate, scienter, vel ignoranter contigerit attentari, hac vice disponere potuerit, sive possit, reservatione, & decreto obfistentibus supradictis, Nos qui pietatis, ac disciplinarum, & Theologiæ felices in Domino progressionem perpetuo fovère debemus, justissimis causis, & rationibus adducti, quod semper antea in votis habuimus, id re ipsa exequi volentes, eandem Basilicam a recolendæ memoriæ Joanne Papa III. similiter Prædecessore nostro plurimis privilegiis decoratam, novo Collegio, ac Studio divinarum literarum, sacræque Theologiæ ornare, atque augere decrevimus,

ad

ad hoc ut in ea Professoribus dicti Ord. Min. Conv. ad Studia sacrarum literarum hujusmodi occasio, & commoditas, Nostra, & Sedis prædictæ beneficentia subministraretur, simulque, novi operarii in Agri Dominici culturam introducantur. Motu itaque proprio, non ad alijus Nobis super hoc oblata petitionis instantiam, sed ex certa Nostra scientia, & de Apostolicæ Potestatis plenitudine ad Omnipotentis Dei laudem, & gloriam, nec non Militantis Ecclesiæ exaltationem, divinique cultus, & Orthodoxæ Fidei augmentum, ac Religiosorum prædictorum commoditatem, atque profectum in prædicta Domo unum Collegium viginti ad minus ejusdem Ordinis Minorum Conventualium Professorum, in humanioribus literis, & ingenuis Artibus, nempe in Logica, Physica, & Methaphisica optime versatorum, ac alias juxta Ordinationes, & Statuta desuper facienda, & stabilienda qualificatorum, qui in hujusmodi Collegio, tanquam uberrimo divinæ Legis Seminario Sacræ Theologiæ Seraphici eximii Doctoris Sancti Bonaventuræ tantum studiis insistere, & operam suam navare, atque in quatuor Sententiarum libris ejusdem Sancti Bonaventuræ, quem inter præcipuos Ecclesiæ Sanctæ Doctores adscribendum, & tenendum per specialem nostram Constitutionem declaravimus, continue proficere studeant, sub unius præstantissimi, & exercitatissimi Lectoris, Regentis nuncupandi, doctrina, & disciplina, qui etiam legendo, interpretando, ac disputando, ut moris est in generalibus ejusdem Ordinis Minor. Conv. Studiis, eosdem Religiosos Collegiales exercere debeat, ut post peractum suorum studiorum hujusmodi cursum, tanquam feraces prædicti Agri Dominici plantæ in sacris Scripturis exponendis, interpretandis, ac publicis Verbi Dei Concionibus habendis, aliisque spiritualibus Officiis, & Ministeriis obeundis, sanæ doctrinæ germina latius diffundere, & speratos fructus ad communem utilitatem, & salu-

tem, Ordinisque Minorum Conventualium hujusmodi decorem producere valeant, auctoritate Apostolica, tenore præsentium perpetuo erigimus, & instituimus, illique sic erecto, & instituto pro ejus dote, ac Lectoris, seu Regentis, & Collegialium hujusmodi sustentatione, Monasterium prædictum, in quo, ut accepimus, quatuor, vel quinque Monachi dicti Sancti Benedicti, vel Cisterciensis Ordinis, ibidem a suis Superioribus, seu pro tempore existente dicti Monasterii Commendatore introducti, ad præsens degunt, cujusque fructus, redditus, & proventus ad sexaginta Florenos auri in libris Cameræ Apostolicæ taxati reperiuntur, & Cappellaniam hujusmodi, quæ sine cura est, personaleque residentiam non requirit, ac cujus, & illi forsan annexorum fructus, redditus, & proventus, tercentorum ducatorum auri de Camera, secundum communem æstimationem, valorem annum, ut accepimus, non excedunt, siue Cappellania præmissa, siue alio, & tam illa, quam Monasterium hujusmodi quibuscumque modis, & ex aliorum quorumcumque personis, seu per liberam dicti Joannis Petri, vel alterius resignationem de Cappellania, ac cessionem cujusvis de Regimine, & administratione Monasterii hujusmodi in Romana Curia, vel extra eam, etiam coram Notario publico, & testibus sponte factas, aut Cappellania per affecutionem alterius Beneficii Ecclesiastici quavis auctoritate collati vacet, etiam si tanto tempore vacaverit, quod Cappellæ collatio, & Monasterii hujusmodi provisio, juxta Lateranen. Statuta Concilii, aut alias Canonicas sanctiones ad Sedem prædictam legitime devoluta, ipsaque Cappellania dispositioni Apostolicæ specialiter, vel aliàs generaliter reservata existat, & provisio dicti Monasterii ex quavis causa ad Sedem eandem specialiter, vel generaliter pertineat, ac de ipso Monasterio consistorialiter disponi consueverit, seu debeat, nec non super Cappellania, ac Regimine, & administratione

tione Monasterii hujusmodi inter aliquos lis, cujus statum, verumque, & ultimum Monasterii, & Cappellanix prædictorum vacationis modum, etiam si ex illo quævis generalis reservatio, etiam in corpore Juris clausa resultet, præsentibus haberi volumus pro expressis, pendeat iudicisa, cum annexis, membris, bonis, proprietatibus, jurisdictionibus, juribus, & pertinentiis suis universis. Ita quod liceat ex nunc ipse Collegii Lectori, seu Regenti, & Collegialibus pro tempore existentibus, illorum omnium corporalem possessionem per se, vel alium, seu alios, nomine ejusdem Collegii propria auctoritate, absque Iudicis mandato vel decreto, ac spoliis, & attentatorum visio libere apprehendere, & perpetuo retinere, eaque regere, administrare, ac fructus, redditus, proventus, Jura, obventiones, & emolumenta Monasterii, & Cappellanix, ac annexorum hujusmodi, in suos, dictique Collegii communes usus, utilitates & necessitates convertere, diocesani loci, vel cujusvis alterius licentia desuper minime requisita, auctoritate, & tenore prædictis, etiam perpetuo unimus, annectimus, & incorporamus, ac in ipso Monasterio dignitatem Abbatialem, nomenque, titulum, & denominationem Abbatis, nec non Conventualitatem, si quæ sit, ac Sancti Benedicti, seu Cisterciensem Ordinem prædictum, illiusque statum, essentiam, & dependentiam Regulares, eisdem auctoritate, & tenore similiter perpetuo supprimimus, & extinguimus, ipsosque Monachos ibidem degentes ad alia Monasteria, seu regularia loca sui Ordinis, ad id eis à suis Superioribus assignanda, vel alias, ubi benevolos invenerint receptores, ita ut ex nunc deinceps in Monasterio unito prædicto nullatenus permanere, nec ex illius fructibus, redditibus, proventibus, vel rebus alimentis, vel ullum omnino subsidium, aut jus, vel actionem ibidem pretendere possint, sed statim habita præsentium notitia, ad alia Monasteria, & loca hujusmodi, nulla



nulla alia à Nobis expectata jussione , mentisque nostræ
 declaratione , sub excommunicationis latæ sententiæ , ac
 etiam carceris , aliisque arbitrio nostro imponendis poenis
 ipso facto per contravenientes incurrendis transire de-
 beant , ac Lector , seu Regens , & Collegiales prædicti ,
 ad alios Monachos in dicto unito Monasterio recipiend-
 dum , & admittendum , illisque alimenta ministrandum ,
 vel aliud quidpiam præstandum , minime teneantur , nec
 obligati sint , minusque ad id cogi , vel compelli va-
 leant , transferimus ; nec non fundationem , & institu-
 tionem Monasterii hujusmodi , ac Missarum , Anniversa-
 riorum , & aliorum divinorum officiorum obligationes ,
 commissiones , & defunctorum suffragia , si quæ sint ,
 cæteraque onera eidem unito Monasterio , quomodolibet
 incumbentia in dicti Collegii ministeria convertimus , &
 commutamus . Insuper eidem Collegio , illiusque Lectori ,
 seu Regenti , Collegialibus , Scholaribus , Officialibus ,
 Ministris , & personis , ut omnibus , & singulis privile-
 giis , exemptionibus , libertatibus , facultatibus , indultis ,
 cæterisque gratiis , tam spiritualibus , quam temporali-
 bus , quibus alia prædicti Ordinis Minorum Conventua-
 lium , & quorumvis aliorum Ordinum Collegia , ad qua-
 rumcumque bonarum Literarum , & Disciplinarum cul-
 tum , & propagationem ubique instituta , illorumque Re-
 ctiores , Regentes , Collegiales , Scholares , Officiales ,
 Ministri , & personæ de jure , vel consuetudine , seu ex
 privilegio , etiam per viam communicationis , seu exten-
 sionis , aut alias quomodolibet utuntur , potiuntur , &
 gaudent , ac uti , potiri , & gaudere possunt , & pote-
 runt , quomodolibet in futurum , non solum ad eorum
 instar , sed pariformiter , & æque principaliter , absque
 ulla prorsus differentia , uti , potiri , & gaudere libere ,
 & licite valeant in omnibus , & per omnia , perinde ,
 ac si illa eis specialiter , nominatim , & expresse con-
 cessa , & communicata fuissent , auctoritate , & tenore
 prædi-

prædictis pariter perpetuo concedimus, & indulgemus. Ut autem dicti Collegii prospero, ac foelici regimini, & conservationi opportune consulatur, dilectum Filium nostrum Alexandrum Sancti Eustachii Diaconum Cardinalem de Montealto nuncupatum, & eo vita functo, alium ex Familia nostra, si qui erit, sin minus, antiquiorem ex Proviucia Marchiæ Anconitanæ oriundum, & utroque cessante, Protectorem prædicti Ordinis Minorum Conventualium pro tempore existentem S. R. E. Cardinalem ejusdem Collegii, illiusque Lectoris, seu Regentis, Collegialium, Scholarium, Officialium, Ministrorum, & personarum, rerumque, & bonorum Protectorem, & defensorem, cujus consilio, & ope omnia supradicta, & quæcumque alia in eis, & circa ea quomodolibet necessaria agantur, statuantur, & ordinentur, statuimus, & deputamus. Præterea Alexandro Cardinali, & pro tempore existenti Protectori prædicto, Lectorem, & Regentem prædictum, nec non una cum ipso Lectore, seu Regente Oeconomos, Officiales, Advocatos, Procuratores, cæterosque Ministros dicti Collegii deputandi, & amovendi, & loco amovendorum alios sufficiendi, nec non quæcumque statuta, ordinationes, & Decreta, tam circa ejusdem Collegii, illiusque rerum, & bonorum spiritualium, & temporalium curam, directionem, regimen, & administrationem, quam Collegialium prædictorum receptionem, & admissionem, eorumque qualitates, victum, amicum, studiiq; cursum, ac tempus, per quod in dicto Collegio ali, & confoveri debeant, ac alias in præmissis, & circa ea quomodolibet necessaria, & opportuna, licita tamen, & honesta, ac sacris Canonibus, & Concilii Tridentini Decretis, ipsiusque Ordinis Minorum Conventualium regularibus institutis non contraria faciendi, & edendi, ac illi quoties pro eorum, & temporum qualitate, vel alias expediens videbitur, immutandi, corri-

corrigendi , moderandi , reformandi , interpretandi , ac
 alia ex integro condendi , quæ postquam edita , immu-
 tata , correctæ , moderata , reformata , & condita fue-
 rint , eo ipso dicta Apostolica auctoritate confirmata ,
 & approbata sint , ac esse censeantur , & ab omnibus ,
 ad quos pro tempore spectabit , etiam sub poenis in-
 contravenientes statuendis observari debeant , plenam , li-
 beramque facultatem concedimus , & elargimur . Decer-
 nentes erectionem , unionem , annexionem , incorpora-
 tionem , suppressionem , extinctionem , translationem ,
 conversionem , commutationem , indultum , statutum ,
 deputationem , concessionem , facultatem , aliaque
 præmissa , ac præsentis literas , nullo unquam tempo-
 re , sive pro eo , quod causæ , propter quas emanave-
 rint , & facta sint , coram locorum Ordinariis , etiam
 tamquam prædictæ Sedis delegatis , vel alibi examina-
 tæ , verificatæ , & approbatæ , ac Ordinarii , Superio-
 res , & Monachi prædicti , vel quicumque alii inter-
 esse habentes , ad id vocati non fuerint , nec eisdem
 præmissis consenserint , sive alias ex quibusvis causis ,
 quantumvis legitimis , & urgentibus , de subreptionis ,
 obreptionis , vel nullitatis vitio , seu intentionis Nostræ ,
 aut alio quovis defectu notari , impugnari , invalidari ,
 retractari , in Jus , vel controversiam revocari , ad ter-
 minos Juris reduci , seu adversus illa , quomodocumque
 Juris , gratiæ , vel facti remedium impetrari , seu etiam
 motu , scientia , & potestatis plenitudine similibus con-
 cesso uti posse , neque sub quibusvis illarum , ac unio-
 num , annexionum , incorporationum , seu aliarum si-
 milium , vel dissimilium gratiarum revocationibus , su-
 spensionibus , limitationibus , modificationibus , dero-
 gationibus , aut aliis dispositionibus , etiam à Nobis , vel
 Successoribus nostris Romanis Pontificibus , etiam in-
 crastinum assumptionis ipsorum Successorum nostrorum ,
 & cujuslibet eorum ad Summi Apostolatus Apicem , ac
 alias

ac alias quomodolibet, ac cum quibuscumque etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis pro tempore emanatis, etiam si de presentibus literis, eorumque toto tenore, ac data, specialis, specifica, & expressa mentio fiat, minime comprehendere, sed illis, ac quibuscumque aliis contrariis non obstantibus, in suis robore, & efficacia persistere, & quoties revocationes, suspensiones, limitationes, aliaque contraria prædicta emanabunt, toties in pristinum statum restituta, reposita, & plenarie reintegrata, ac de novo etiam sub data per Protectorem, Lectorem, seu Regentem, Collegiales, & personas huiusmodi, quandocumque eligenda de novo concessa esse, suosque integros, & plenarios effectus sortiri. Sicque per quoscumque Iudices, & Commissarios ordinarios, & delegatos etiam causarum Palatii Apostolici Auditores, ac S. R. E. Cardinales sublati eis, & eorum cuilibet quavis aliter iudicandi, & interpretandi facultate, & auctoritate, in quavis causa, & instantia iudicari, & definiri debere. Quocirca Venerabilibus Fratribus nostris Camerinenſi, & Montisalti Episcopis, ac dilecto filio Curie causarum Camere Apostolicæ Generali Auditori, per Apostolica Scripta motu simili mandamus, quatenus ipsi, vel duo, aut unus eorum per se, vel alium, seu alios easdem præſentes literas, & in eis contenta quæcunque ubi, & quando opus fuerit, ac quoties pro parte Protectoris, Lectoris, seu Regentis, & Collegialium prædictorum, seu alicujus eorum desuper fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præſentes literas, & in eis contenta huiusmodi ab omnibus, ad quos spectat, & pro tempore spectabit, inviolabiliter observari, ac Protectorem, Lectorem, seu Regentem, Collegiales, & alios prædictos, eorum-

D

que

que singulos illis pacifice frui, & gaudere, non permittentes ipsos, vel eorum quempiam desuper per quoscumque quomodolibet indebite molestari, perturbari, inquietari, contradictores quoslibet, & rebelles, ac præmissis non parentes, per censuras, & pœnas Ecclesiasticas, aliaque opportuna juris, & facti remedia, appellatione postposita, compescendo, nec non legitimis super his habendis servatis processibus, censuras, & pœnas ipsas incurrisse declarando, easque etiam iteratis vicibus aggravando, invocato etiam ad hoc, si opus fuerit, auxilio brachii sæcularis, non obstantibus præmissis, quatenus opus sit, nostris de non tollendo jure quæsito, ac gratiis, ad instar non concedendis, & unionibus committendis ad partes, vocatis interesse habentibus, veroque valòre etiam Beneficii, cui aliud unitur, exprimendo, nec non Lateranen. novissime celebrati, & aliorum etiam generalium Conciliorum uniones perpetuas, nisi in casibus a jure permissis fieri, & de Monasterii hujusmodi extra consistoriam disponi, ac beneficia unius diœcesis, cum beneficiis alterius diœces. uniri prohibentibus, nec non similis memoriæ Bonifacii pariter Prædecessoris nostri, etiam quæ cavet, ne quis extra suam Civitatem, vel diœcesim, nisi in certis expressis casibus, & in illis ultra unam dietam a sine suæ diœc. ad judicium evocetur, seu ne Judices a dicta Sede deputati extra Civitatem, vel Diœc. in quibus deputati fuerint, contra quoscumq. procedere, aut alii, vel aliis vices suas committere audeant, seu præsumant, & in Concilio generali edita de duabus dietis, dummodo ultra tres dietas aliquis auctoritate præsentium ad judicium non trahatur, aliisque Apostolicis, ac in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, nec non Monasterii, & Ordinis, ac Ecclesiæ prædictorum, juramento, confirmatione

tione Apostolica , vel quavis firmitate alia roboratis ,
 statutis , & consuetudinibus , privilegiis quoque , indul-
 tis , & literis Apostolicis , illis , eorumque Præsulibus ,
 Capitulis , Abbatibus , Superioribus , Magistris , Con-
 ventibus , Fratribus , Religiosis , & aliis personis sub
 quibuscumque tenoribus , & formis , & cum quibuscumque
 etiam derogatoriis derogatoriis , aliisque efficaciori-
 bus , & insolitis clausulis , nec non irritantibus , & aliis
 Decretis per quoscumque Romanos Pontifices prædeces-
 sores nostros , ac Nos , & Sedem prædictam , etiam ad
 Imperatoris , Regum , Reginarum , Ducum , vel alio-
 rum Principum instantiam , seu eorum contemplatione ,
 & intuitu , ac etiam motu , scientia , & potestatis plen-
 tudine , similibus etiam consistorialiter in genere , vel
 in specie , ac aliis quomodolibet , etiam iteratis vicibus ,
 etiam si de illis , eorumque totis tenoribus spe-
 cialis , specifica , expressa , & individua , ac de verbo
 ad verbum , non autem per clausulas generales idem
 importantes mentio , seu quævis alia expressio habenda ,
 aut aliqua alia exquisita forma ad hoc servanda foret tenoris
 hujusmodi , ac si de verbo ad verbum , nihil penitus omisso ,
 & forma in illis tradita observata , inserti forent , præ-
 sentibus pro sufficienter expressis , & insertis habentes ,
 illis aliis in suo robore permansuris , hac vice dumtaxat
 specialiter , & expresse derogamus , ceterisque contrariis
 quibuscumque . Aut si aliqui super provisionibus sibi facien-
 dis , de hujusmodi , vel aliis Beneficiis Ecclesiasticis in
 illis partibus speciales , vel generales dictæ Sedis , aut
 Legatorum ejus literas impetrarint , etiam si per eas
 ad inhibitionem , reservationem , & decretum , vel
 aliis quomodolibet sit processum . Quas quidem literas ,
 & processus habitos per easdem , ac inde sequuta quæ-
 cumque ad dictam Cappellaniam volumus non extendi ,
 sed nullum per hoc eis , quoad assequutionem Be-

neficioꝝ alioꝝ præjudiciuꝝ generari , & quibuscumque aliis privilegiis , indulgentiis , & literis Apostolicis , specialibus , vel generalibus , quorumcumque tenorū existant , per quæ præsentibus non expressa , vel totaliter non inserta , effectus earum impediri valeat quomodolibet , vel differri , & de quibus quorumcumque totis tenoribus de verbo ad verbum habenda sit in eisdem literis mentio specialis . Volumus autem quod propter unionem , annexionem , & incorporationem prædictas , dictuꝝ Monasteriuꝝ in spiritualibus non lædatur , & in temporalibus detrimenta non sustineat , cura animarum , si qua illi immineat , nullatenus negligatur , ipsaque Cappellania debitis non fraudetur obsequiis , sed ejus congrue supportentur onera consueta . Nos enim quoad Cappellaniā , prout est , si attentatum forsā est hæcenus , vel in posterum , quo vero ad alia omnia suprascripta , ex nunc , si secus super his a quoquam , quavis auctoritate , scienter , vel ignoranter contigerit attentari , irrituꝝ , & inane decernimus . Nulli ergo omnino hominū liceat hanc paginā nostræ erectionis , institutionis , unionis , annexionis , incorporationis , suppressionis , extinctionis , translationis , conversionis , commutationis , concessionum , indulti , deputationis , elargitionis , decretorum , mandati , derogationis , & voluntatum infringere , vel ei ausu temerario contraire . Siquis autem hæc attentare præsumperit , indignationem Omnipotentis Dei , ac Beatorum Petri , & Pauli Apostolorum ejus se noverit incursum .

Dat. Romæ apud Sanctuꝝ Petruꝝ Anno Incarnationis Dominicæ Milleesimo quingentesimo octuagesimo septimo , Kalen. Januarii , Pontificatus Nostri Anno Tertio .

E. Prodat.

Tho. Thomasius Gualterutius .

B U L-

B U L L A

SSMI D. N. PP.

SIXTI QUINTI

*Qua Bonis Collegio S. Bonaventuræ jam assignatis,
alia superadduntur pro manutentione viginti
saltem Collegialium .*

SIXTUS EPISCOPUS

SERVUS SERVORUM DEI

Ad perpetuam rei memoriam .

Postolici muneris sollicitudo Divina dispositione Nobis delegata requirit , ut ad Collegiorum quorumlibet , præsertim a Nobis ad sacrarum litterarum incrementum , & christiannæ Religionis instaurationem , animarumque salutem institutorum , statum nostræ considerationis proponentes intuitum , ea , quæ illorum commoditatibus , & necessitatibus opportuna fore intelligimus , sedulo adhibere curemus . Cum itaque Monasterium S. Coni Flumaræ Muri Ordinis S. Basilii , seu S. Benedicti Reginen. Diæcesis , quod nuper quidam Dominicus Bellonius tunc Clericus , & Cubicularius domesticus , & Familiaris in Commendam ad ejus vitam ex concessione Apostolica obtinebat , Commendam hujusmodi ex eo , quod ipse Dominicus suis culpis , & demeritis ita exigentibus , prædicto Monasterio , ac omnibus , & singulis aliis Beneficiis Ecclesiasticis per eum tunc obtentis , per nostram , seu de mandato nostro Judicis competentis , sententiam definitivam , servatis servandis , desuper latam ,

tam , quæ nulla prorogatione suspensa in rem transivit
judicatam , privatus extitit , per privationem hujusmodi ,
cessante adhuc eo , quo ante Commendam ipsam vaca-
bat , aut alias certo modo vacare noscatur ad præsens ,
Nos &c. Collegio S. Bonaventuræ in Domo SS. XII.
Apostolorum de Urbe Ordinis Fratrum Minor. Conv.
nuncupat. , per Nos novissime erecto , & instituto ,
pro solidiori illius stabilimento , & perpetua conservatio-
ne , onerumque eidem Collegio incumbentium debita
supportatione , de alicujus subventionis auxilio mature
providere volentes , ac Rectorem , & singulas Personas
ipsius Collegii a quibuscumque Excommunicationis &c. , ab-
solventes &c. , nec non erectionis , & institutionis Col-
legii hujusmodi , ac quarumcumque aliarum unionum ,
annexionum , & incorporationum , applicationum , appro-
priationum , & concessionum illi quomodolibet hætenus
factarum , & inde secutorum , aliorumque necessariorum
quorumcumque veriores , & totos tenores , ac datam ,
nec non fructuum , reddituum , & proventuum ejusmodi
Collegii , ac aliorum Beneficiorum sæcularium , & re-
gularium , nec non bonorum , rerum , & jurium illi
unitorum , concessorum , & applicatorum , veros annuos
valdres , ac pensionum annuarum , etiam perpetuarum
ipsi Collegio assignatarum , summas , & quantitates ,
verumque , & ultimum dicti Monasterii vacationis mo-
dum , etiam si ex illo quævis generalis reservatio etiam
in corpore Juris clausa resultet , præsentibus pro ex-
pressis habentes , motu proprio , non ad Rectoris , &
Personarum Collegii hujusmodi , vel alicujus eorum ,
seu alterius pro ipsis Nobis super hoc oblata petitionis
instantiam , sed ex mera liberalitate , & ex certa scien-
tia nostra , ac de Apostolica potestatis plenitudine Mo-
nasterium præfatum , quod Conventu caret , ac cujus ,
& illi forsan annexorum fructus , redditus , ac proven-
tus tercentorum Ducatorum auri de Camera secundum
commu-

communem æstimationem valorem annuum , ut etiam accepimus , non excedunt ; quovis modo , & ex cujuscumque persona , seu per liberam cessionem cujusvis de illius regimine , & administratione in Romana Curia , vel extra eam , etiam coram Notario publico , & Testibus sponte factam , aut alias quomodocumque , & qualitercumque , ac ex quocumque capite , vel causa vacet , etiam si tanto tempore vacaverit , quod ejus provisio juxta Lateranensem Statuta Concilii , aut alias canonicas Sanctiones ad Sedem Apostolicam legitime devoluta existat , & illius provisio ad Sedem eandem specialiter , vel generaliter pertineat , & de illo consistorialiter disponi consueverit , seu debeat , ac super regimine , & administratione prædictis inter aliquos lis , cujus statum , etiam præsentibus haberi volumus pro expresso , pendeat indecisa , dummodo tempore datæ præsentium eidem Monasterio de Abbate provisum , aut illud alteri commendatum canonice non existat , cum annexis hujusmodi , ac omnibus membris , grangiis , juribus , & pertinentiis suis eidem Collegio pro illius Dotis augmento , ita quod liceat dilecto Filio Alexandro S. Eustachii Diacono Card. de Montè-Alto nuncupato , secundum carnem Pronepoti nostro , qui etiam dicti Collegii Protector per Nos deputatus existit , ejusque in officio Protectoris hujusmodi Successoribus , ac nunc , & pro tempore existentibus Æconomis , seu Administratoribus ejusdem Collegii ; & cuilibet ipsorum in perpetuum per se , vel alium , seu alios eorum , & dicti Collegii nominibus propria auctoritate corporalem , realem , & actualem possessionem Monasterii , ac annexorum membrorum , grangiarum , jurium , & pertinentiarum prædictarum libere apprehendere , & perpetuo retinere , nec non eidem Monasterio , illiusque Ecclesiæ , vel Cappellæ , seu Ecclesiis , vel Cappellis per quemcumque , seu quoscumque Clericos , vel Presbyteros Sæculares , aut dicti , vel quorumvis aliorum Ord-

Ordinum Regularēs , idoneos , ac pro tempore existentium Protectoris , seu Æconomorum , & Administratorum prædictorum liberum nutum ponendos , & amovendos in Divinis deserviri , & etiam animarum curam , si quæ illi imminet , exerceri faciat , ipsumque Monasterium cum annexis , ac membris , grangiis , juribus , & pertinentiis præfatis in spiritualibus , & temporalibus regere , gubernare , & administrare , illorumque fructus , redditus , proventus , jura , obventiones , & emolumenta quæcumque exigere , percipere , levare , recipere , colligere , recuperare , arrendare , locare , dislocare , ac in Collegii , & etiam Monasterii hujusmodi usus , & utilitatem , ac onerum illis incumbentium supportationem , & manutentionem convertere , & erogare , Diocesani loci , vel cujusvis alterius licentia desuper minime requisita , Apostolica auctoritate , tenere præsentium perpetuo unimus , annectimus , & incorporamus , ac unionem , annexionem , & incorporationem præfatas , nec non præsentis Litteras etiam ex eo , quod Generales , vel alii Abbates , vel Definidores , & Visitatores , cæterique Prælati Superiores , & Monachi dicti Ordinis S. Basilii , seu S. Benedicti , aut quicumque alii interesse habentes , vel putantes , seu prætendentes ad hoc vocati , & causæ , propter quas emanaverint coram Locci Ordinario , etiam tamquam a Sede præfata delegato , aut ejusdem Sedis Nuntio , vel quocumque alio Judice , seu aliàs quomodolibet examinatæ , & verificatæ non fuerint , vel ex quibusvis aliis causis de subreptionis , vel obreptionis , seu nullitatis vitio , aut intentionis nostræ , vel quovis alio defectu notari , impugnari , in jus , vel controversiam vocari , ad viam , & terminos juris reduci , seu etiam per Nos , aut Successores nostros Romanos Pontifices pro tempore existentes , vel dictam Sedem , aut etiam ejus de Latere Legatos , aut alios quoscumque quavis tam Apostolica , quam ordi-

uaria ,

naria, vel extraordinaria auctoritate, aut alias quomodolibet revocari, retractari, infringi, suspendi, restringi, limitari, vel ejus in aliquo derogari nullatenus umquam posse, nisi sub quibusvis illarum, aut similibus, vel dissimilibus gratiarum revocationibus, suspensionibus, derogationibus, limitationibus, aut aliis contrariis dispositionibus, etiam ut præfertur, aut aliis quomodolibet pro tempore factis, umquam compræhendi, sed semper ab illis exceptas, & quoties illæ emanabunt, toties in pristinum, & validissimum statum restitutas, & etiam de novo, etiam sub quacunque posteriori data per Rectorem, aut Æconomos, vel Administratores prædictos, aut alios pro eis agentes prædictos pro tempore eligendos concessas, ac perpetuo validas, & efficaces existere, & fore, suosque plenarios effectus fortiri, & obtinere, atque a supradictis, omnibusque aliis, ad quos spectat, & pro tempore spectabit, inviolabiliter perpetuo observari debere, neque Collegium, ejusque Protectorem, Æconomos, & Administratores hujusmodi, ac pro eis agentes super præmissis, vel illorum occasione per quoscunque quavis auctoritate quomodolibet molestari, perturbari, inquietari, vel impediri posse, sicque in præmissis ab omnibus censi, & ita, nec aliter per quoscunque Judices ordinarios, vel Delegatos, etiam causarum Palatii Apostolici Auditores, ac S. R. E. Cardinales, etiam de Latere Legatos, diocæque Sedis Nuncios, etiam cum potestate Legati de Latere, ipsumque Loci Ordinarium, & Metropolitanum, sublata eis, & eorum cuilibet quavis aliter judicandi, & interpretandi facultate, & auctoritate in quavis causa, & instantia judicari, & definiri debere, nec non si secus super his a quoquam quavis auctoritate scienter, vel ignoranter attentari contigerit, irritum, & inane decernimus. Sicque etiam incommutabilis Voluntatis nostræ fuisse, & esse, in-

E

ver-

verbo Romani Pontificis Attestamur . Quocirca Ven:
 Fratribus nostris Amerin:, & Reghinen: Episcopis , ac
 dilecto Filio Curia: causarum Camera: Apostolica: Gene-
 rali Auditori motu simili per Apostolica scripta man-
 damus , quatenus ipsi , vel duo , aut unus eorum per
 se , vel alium , seu alios faciant auctoritate nostra præ-
 dictas Litteras , & in his contenta quæcumque ubi ,
 quando opus fuerit , ac quoties pro parte Protectoris ,
 Æconomorum , & Administratorum , ac Personarum
 Collegii huiusmodi , seu alicujus eorum fuerint requi-
 siti , solemniter publicantes , eisque in præmissis effica-
 cis defensionis præsidio assistentes , faciant auctoritate
 nostra præsentis Litteras , ac in eis contenta huiusmo-
 di , ab omnibus , ad quos spectat , & pro tempore spe-
 ctabit , inviolabiliter observari , ipsosque , ac Rectorem ,
 Æconomos , Administratores , ac Personas Collegii hu-
 iusmodi illis pacifice frui , & gaudere , non permit-
 tentes eos desuper per quoscumque quomodolibet inde-
 bite molestari , Contradictores quoslibet , & Rebelles
 per sententias , censuras , & pœnas ecclesiasticas , alia-
 que opportuna juris , & facti remedia , appellatione
 postposita , compescendo , legitimisque super his habendis
 servatis processibus , sententias , censuras , & pœ-
 nas ipsas etiam iteratis vicibus aggravando , invocato
 etiam ad hoc , si opus fuerit , auxilio brachii Sæcula-
 ris ; non obstantibus præmissis , & felici record: Boni-
 facii Papæ VIII. Prædecessoris nostri , etiam quoad ca-
 vetur expresse , ne quis extra suam Civitatem , vel
 Diæcesim , nisi in certis expressis casibus , & in illis
 ultra unam dietam a fine suæ Diæcesis ad iudicium
 evocetur , seu ne Iudices a Sede prædicta deputati ex-
 tra Civitatem , vel Diæcesim , in quibus deputati fue-
 rint , contra quoscumque procedere , aut alii , vel aliis
 vices suas committere audeant , seu præsumant , & in
 Concilio generali edita de duabus Dietis , dummodo
 ultra

ultra tres Dietas aliquis auctoritate præsentium ad iudicium non trahatur, ac quatenus opus sit, nostra de unionibus committendis ad partes vocatis interesse habentibus, & de exprimendo vero annuo valore etiam Beneficii, cui aliud unitur, ac Lateranen: novissime celebrati uniones perpetuas, nisi in casibus a jure permissis, fieri prohibentis, & quorumcumque aliorum etiam generalium Conciliorum, etiam disponentium, quod Monasteria, & alia Beneficia Ecclesiastica unius Diæcessis Beneficio, seu loco alterius Diæcessis uniri non possint, neque debeant, aliisque Apostolicis, ac etiam in universalibus, provincialibusque, & synodalibus Conciliis editis specialibus, vel generalibus Constitutionibus, & Ordinationibus, nec non tam Monasterii, quam Domus, & Collegii, singulorumque Ordinum præfatorum, etiam juramento, confirmatione Apostolica, vel quavis firmitate alia roboratis, statutis, consuetudinibus, stabilimentis, usibus, & naturis, ac etiam novis reformationibus, privilegiis quoque, indultis, & Litteris Apostolicis, etiam illis, illorumque Abbatibus, Conventibus, Superioribus, & Personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, nec non irritantibus, & aliis Decretis in genere, & in specie per quoscumque Romanos Pontifices Prædecessores nostros, ac Nos, & dictam Sedem, etiam motu, scientia, & potestatis plenitudine similibus, etiam consistorialiter, ac aliis quomodolibet etiam pluries, & iteratis vicibus, ac etiam specialiter, & expresse contra similes, vel dissimiles perpetuas, & temporales uniones, annexiones, & incorporationes concessis, adprobatis, & innovatis, ac etiam in posterum concedendis, adprobandis, & innovandis, quibus omnibus, & singulis, etiam si pro illorum sufficienti derogatione alias de illis, eorumque

totis tenoribus specialis, specifica, expressa, & individua, ac de verbo, ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret tenoris hujusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habentes, illis aliàs in suo robore permanens, hac vice dumtaxat specialiter, & expresse derogamus, a: sufficienter derogatum fore, & esse, ac censei etiam volumus, decernimus, & declaramus, contrariis quibuscumque: Aut si aliquibus communiter, vel divisim ab eadem sit Sede indultum, quod interdicti, suspendi, & excommunicari non possint per Litteras Apostolicas, non facientes plenam, & expressam, ac de verbo ad verbum de Indulto hujusmodi mentionem. Volumus autem, quod propter unionem, annexionem, incorporationem nostras prædictas dictum Monasterium in spiritualibus non lædatur, & in temporalibus detrimenta non sustineat, sed ejus congrue supportentur onera consueta. Nulli ergo omnino hominum liceat hanc paginam nostræ absolutionis, unionis, annexionis, incorporationis attestationis, mandati, voluntatis, decreti, & etiam declarationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Petrum Anno &c. 1588.
Nono Kalendas Februarii, Pontificatus nostri Anno IV.



CON-

CONSTITUTIONES

COLLEGI

Ad Laudem, & gloriam Sanctissime Trinitatis, Patris, Filii, & Spiritus Sancti, & honorem Beatissime Virginis Deiparæ, ac Sancti Patris Francisci, & Beati Bonaventuræ Doctoris Ecclesiæ Seraphici, sequuntur Constitutiones Collegii ejusdem Sancti Bonaventuræ in Basilica Sanctorum Duodecim Apostolorum de Urbe à Sanctissimo D. N. D. SIXTO Papa Quinto erecti, ab Eminentissimo, & Reverendissimo Domino Alexandro Cardinali Montalto S. R. E. Vice-Cancellario ejusdem Collegii Protectore editæ,



Uoniam Sanctissimus D. N. SIXTUS Quintus Pontifex Optimus Maximus ob eximiam suam charitatem, qua Seraphicam Minor. Conv. Religionem prosequitur, assidue in ea cogitatione, curaque versatur, ut illam bonarum artium studiis, ac præsertim divinarum literarum disciplina ornatorem in dies, perpetuòque florentem reddat, ideoque Collegium Sancti Bonaventuræ in Conventu Sanctorum Apostolorum de Urbe, ubi ejusdem Ordinis Professores sacre Theologiæ operam navent, nuper instituit: Nobis præterea prædicti Collegii patrocinium, tutelamque demandavit, ut in literis Apostolicis, quarum exemplum inferius subiciemus, plenius continetur: Propterea, ut idem Collegium perpetuo consequentibus temporibus felici regimine gubernetur, ejusque Alumni eos in vinea Domini fructus afferant, qui maxime expectantur, & quorum gratia prima hujus operis fundamenta jacta fuerunt, has leges, & constitutiones ex Sanctitatis suæ aucto-

aucloritate, ac religiosissimi animi sensu condendas decrevimus.

Erit in primis eorum, qui in Collegio manebunt, non minor numerus, quam viginti, qui & professi omnes erunt, & Baccalaurei, habeantque omnes qualitates, & requisita juxta formam literarum erectionis Collegii à Sanctissimo D. N. emanatarum. Erit etiam eorum, una cum aliis Fratribus Domus, seu Conventus Sanctorum Apostolorum, eadem, communisque mensa, ac venerabili Guardiano, qui pro tempore fuerit, obedientiam præstent, tam quo ad vitæ disciplinam, quam Ecclesiæ cultum, cujus quidem rei ea ratio habenda est, quæ alibi, ubi Fratrum S. Francisci studia vigent, haberi solet. Propterea Procuratori Conventus, vel alii per Guardianum deputato, ex Collegii proventibus constituit Protector pro Regentis, & Collegialium supradictorum victu scuta trigintaquinque monete pro quolibet singulo anno, quarto quoque mense anticipata solutione numeranda. Nec liceat Procuratori, vel alii deputato erogatam pecuniam ad alia, quam ad ea, quæ victui necessaria sunt, comparanda, ullo modo convertere. Quod si in alios usus, quam superscriptum sit, pecunias erogaverit, à Ministro Generali ad omnem requisitionem, & interpellationem Protectoris, officio privetur, ac inhabilis ad alia obtinenda per triennium sit, quod ut servetur, Collegii Regens, vel alius, quem ipse Protector constituet, diligenter curabit. Quod si Collegii proventus angeantur, prædictorum etiam Collegialium numerus augebitur. Habeant singuli singula Cubicula, lecto, arca, tabula, & alia necessaria suppellectili instructa.

Qui eligendi sunt, ætatis erunt non minoris viginti annorum, ex legitimo Matrimonio procreati, & cum qualitatibus juxta formam literarum S. D. N. ita ut nullius dispensationis, aut legitimisationis prætextus quoad

quoad eorum admissionem natalium suppleat defectum ; nec alius ullus eligatur , nisi qui Logicæ , Phisicæ , & Methaphisicæ cursum peregerit , & sacre Theologiæ , ut infra dicetur , saltem per annum operam dederit , ejusque rei in disputationibus , aliisque actionibus publicis specimen aliquod ediderit : tantum enim provectiores Scholares in hoc Collegium Sanctitas sua admitti voluit , quo demum Ecclesiæ Dei fiant magis utiles , & ad honores magis idonei .

Electiois autem ea ratio observanda est , ut Generalis Minister Ordinis (quippe quem Fratrum suorum conditionem magis exploratam habere existimamus) tribus mensibus ante Capitulum Generale , quadraginta saltem Baccalaureorum nomina ex diversis Provinciis , qui tales sint , quales jam diximus , in schedula descripta ad Protectorem mittat , & si eligendorum numerus major viginti fuerit , quo plures erunt , eo major quoque numerus in eadem schedula annotabitur . Protector autem adhibito Generali Ordinis Procuratore , vel alio sibi bene viso , ex eo numero illos eliget , qui in Collegium cooptandi erunt , quorum etiam nomina ad Generale Capitulum transmittat , ut in Tabula Religionis ordinaria possint adscribi . Quod si forte contigerit ex electis locum aliquem deficere , Protector ex illis eliget , qui in schedula sibi à Generali porrecta superfuerint , atque in deficientis locum illum substituet . Quod si electio secus facta sit , irrita sit , & nulla , nec ullum juris sortiatur effectum .

Manebunt autem in Collegio triennio tantum , quod sane tempus satis esse videtur ad eam consequendam eruditionem , qua Sanctitas Sua eos erudiri , atque institui cupit , nisi ex aliqua rationabili causa aliud Protectori videatur . Tum demum aliis , qui sibi succedent , loca dimittant , ita enim fiet , ut in hac Religione ad communem omnium utilitatem eruditorum hominum numerus facile augeatur .

Quam-

Quamvis autem (ut experientia docet) nihil sit , quod, felicem Studiorum cursum magis retardet , quam discentes hæc illac , præsertim Quadragesimæ tempore , pervagari , quo nullum est aptius ad litterarum studia , & propterea melius cum illis ageretur , si se a prædicandi munere continerent , considerata maxime brevitate temporis triennii hujusmodi studiis præscripta ; quia tamen prædicatio Evangelii necessaria est , & quod solitarum lectionum studiis aufertur , prædicationum exercitio accrescit , & ut scholares ad Dei servitium in prædicandi munere se exerceant , concedimus , ut qui idonei erunt , si velint , sive in Urbe , sive extra Urbem , munus prædicationis suscipere possint . Qui vero extra Urbem concionatum ibunt , non alias discedent , nisi Protector , & Regens discedendi dederint potestatem , certo tamen tempore pro locorum distantia limitandam , ne liberius vagandi occasionem habeant . Quod si debito tempore non redierint , ut decet , corrigantur .

Ii vero , qui potius in Collegio studiis , quam prædicationibus inservierint , ea de causa quolibet anno scuta viginti duabus solutionibus dentur : pro vestitu , pro libris comparandis , ac aliis necessitatibus sublevandis .

Quia vero cupimus , quod Regens , quoad fieri potest in suo docendi munere progrediatur , ipso præsertim Quadragesimæ tempore , quæ anni pars ad studia cæteris temporibus (ut diximus) videtur accomodatior , idcirco Regentis necessitatibus providentes eleemosinam , illi constituimus scutorum sexaginta singulis annis . Si vero alicubi prædicationis Officium pro aliqua Religionis utilitate , vel necessitate exercuerit , scuta triginta .

Et quia pro divinarum litterarum disciplina sacrum hoc Collegium institutum est , supradictus Regens , S. P. Bonaventuram super quatuor libros Magistri sententiarum , quasi Ducem suis Auditoribus semper interpretabitur . Unus enim ipse Sanctus qui nuper inter præcipuos
Eccle-

Ecclesiæ Sanctæ Doctores a S. D. N. SIXTO QUINTO relatus est, ob singularem doctrinam, ac sententiarum dignitatem, quibus pleni sunt ejus libri, abunde sufficiet, ut ex ejus lectione librorum in summum quisque Theologum possit evadere. Quoniam vero solo triennio vix fortasse poterit Regens quatuor ipsos sententiarum libros absolvere, volumus, ut ipsi auditores in eadem Sancti Bonaventuræ doctrina juxta materias sibi à Regente constitutas in disputationibus quotidianis sese mutuo exercent, ut hac ratione libros absolvant.

Teneantur quoque singuli de Collegio singulis mensibus ex eadem doctrina assertiones publice in Collegio disputandas proponere, prout unicuique eorum a Regente fuerit constitutum, neque propterea solitas aliorum studiorum exercitationes ullo modo prætermittant, & ut commodius studiis vacare possint, nec Matutinis interesse tempore lectionum, neque mortuos associare, nisi defuncti nobilitas, aut alia necessitas coegerit, teneantur.

Magister Studentium de more cæterorum Ordinis Studiorum non præficiatur, cum provektorum sit hoc dumtaxat Collegium. Baccalaureus autem Couventus instituatur is qui à Generali, & Patribus in Capitulo judicatus fuerit habilis, ætate, moribus, & doctrina.

Is teneatur qualibet die à Regente assignatam aliquam interpretari lectionem ejusdem Sancti Bonaventuræ, sive in opusculis, sive in sacra scriptura, ad quam cæteri Baccalaurei accedere teneantur sub pœna ejjectionis à Collegio, perseverante contumacia, nisi fuerint legitimo de-
tenti impedimento..

Idem etiam consuetis diebus Conclusiones disputandas proponere teneatur, ac dno saltem ex Collegio arguant, & opponant; ad majorem materierum examinationem ipse argumentis respondeat, & Regens, cum opus fuerit, suppleat.

Volumus autem, quod scholares prædicti Collegii, ut ampliorem spem de se præbeant, jam antea in aliquo Religionis Seraphicæ Studio per annos quinque Logices, Philices, & Metaphisices studiis, & etiam primordiis Theologiæ operam dederint, atque de tempore studiorum illorum, quinimmo & de progressibus in eis factis plenam fidem faciant, antequam in dictum Collegium Sancti Bonaventuræ recipi possint; ibique exercitia jam proposita frequentent per triennium in eodem remansuri, viam Beati Bonaventuræ vigili cura terentes quousque Magisterii lauream suscipiant. In qua assequenda priorem locum ante alios omnes Religionis Baccalaureos, uti par est, non solum obtineant, sed etiam peculiari privilegio gaudeant, ut scilicet prævio tantum altquo disputationum publicarum solemni actu, nulli alii examini subjaceant, & a Generali dicti Ordinis, seu Præsidente in generali Capitulo solitis tantum muniis per eos adimpletis, Magisterii gradu exornentur, eumque solemniter recipiant, de nostra tantum licentia, prout ejus sanctitas nobis, & successoribus nostris Protectoribus indulget, non obstante aliqua Religionis Constitutione, aut Sanctæ Apostolicæ Sedis prohibitione, nisi facta mentione de hoc indulto, quæ hoc aliàs fieri prohiberet. Tales enim futuros confidimus, qui ex hoc prodibunt Collegio, ut merito gradus iste illis debeat, quo ornati, majore etiam auctoritate tam in exponendis divinis Scripturis, quam in officio prædicandi Verbi Dei, aliisque Religiosis ministeriis secure versari & veluti nova, & feracia germina uberrimos fructus ad communem Ecclesiæ utilitatem, ac Dei gloriam producere possint.

Teneantur etiam una cum Regente cujuslibet mensis initio secunda feria, (nisi quid impediatur) aliàs subsequenti, pro defunctis Familiæ nostræ de Perettis perpetuo futuris temporibus Missam (ut ajuat) Conventualem celebrare, & in aliis, quas privatim celebrabunt, pro iisdem defunctis memoriam semper peragere. D E

D Eligetur à nobis, aut Protectoribus succedentibus Regens Collegii, qui ætate, moribus, doctrina, & auctoritate sit inter præcipuos Religionis Patres, quique duobus saltem trienniis Theologiam in celeberrimo aliquo Religionis Gymnasio, ut Patavii, Bononiæ, Neapoli publice sit professus. Ipse autem, ut supra diximus, Sanctum Doctorem Bonaventuram perpetuo ininterprete-
tur, & in ejus doctrina suos Auditores exerceat, sicut in cæteris ejusdem Religionis Gymnasiis observatur. Guardiano præterea Sanctorum Apostolorum, ut cæteri Auditores sui, æque obediat, non tamen consuetis immunitatibus ullo modo derogamus.

DE OECONOMO

P Rotector, adhibito etiam Collegii Regente, eligit Oeconomum arbitrio suo, seu Regularem, seu Clericum sæcularem, seu etiam integritatis, ac fidei spectatæ Laicum, cujus circa Collegii proventus præcipua sit diligentia, cum iis tamen facultatibus, quas ipsi Protector impartiri voluerit.

Oeconomus calculandi rationem optime sciat, datorumque & acceptorum in libro, quem signatum, & cartulatum dabit illi Protector, rationes Collegii diligenter conficiat, ac quolibet saltem mense, eidem Protectori, seu cui Protector mandaverit, administrationis suæ rationem, præsentē etiam Regente, fideliter referat.

DE PROTECTORE

P Rotector Collegii nobis vita functis, juxta mentem, & Constitutionem S. D. N. ille succedet, qui tunc ex familia nostra de Perettis Cardinalis erit; idque ita

semper fiat , quoadiu Deus annuet dignitatem hanc in Familia nostra permanere , & si plures essent , vetustior : si ex his nemo supererit , is qui ex Agro Piceno vetustior Cardinalis erit , si vero ex Agro Piceno Cardinalis nullus existat , idem qui Religionis Protector erit , in hujus Collegii protectione succedat .

Protectoris quoque potestas erit eligendi una cum Regente , præter Oeconomum , ut superius dictum est , & Officiales , Advocatos , Procuratores , cæterosque ipsius Collegii Ministros , hos etiam & amovère , & novos subrogare , constituere , & decernere , quidquid ad Collegii administrationem tam circa spiritualia , quam temporalia bona pertinet , quidquid etiam ad victum , & vestitum Fratrum in Collegio permanentium duxerit expendendum fore . Ubi vero aliquid speciale constitutum , expressumque non fuerit , antiquæ cæterorum Religionis Gymnasiorum Constitutiones observentur .

Proventus Collegij , si qui necessarijs omnibus expensis supererunt , aut ædificijs conficiendis , aut emendis libris , vel necessaria aliqua suppellectili comparanda Protectoris arbitrio expendantur .

Quoniam vero quæ Collegio unita est Abbatia Jurisdictionem spiritualem habet , Protector , adscito Regente , arbitrato suo , Vicarium eligat , qui juxta facultates sibi à Protectore concessas , eam jurisdictionem exerceat . Idem quoque Protector Cappellanos , qui rebus divinis in hujus Abbatix Ecclesia serviant , ut eligendi , ita & depnendi habeat potestatem .

Abbatix Beneficia , si quæ vacare contigerit , ad liberam Protectoris collationem spectent , ex auctoritate a Sanctissimo Domino Nostro attributa , decretis tamen , ac Constitutionibus Sacri Tridentini Concilii servatis .

CONFIRMATIO CONSTITUTIONUM

SIXTVS PAPA QVINTVS

V R B I S



QUOTU proprio &c. Cum nuper ad Dei omnipotentis gloriam, sanctæ Ecclesiæ exaltationem, commodumque & profectum Professorum Ordinis Min. Conventualium, erga quem ab ineunte ætate præcipuum gerimus devotionis affectum, in alma Urbe nostra juxta Domum Basilicæ Duodecim Apostolorum de Urbe ejusdem Ordinis, vel in ipsamet Domino unum Collegium Sancti Bonaventuræ nuncupatum, per alias nostras literas erexerimus, & instituerimus, ut in eo manerent viginti ad minus ejusdem Ordinis Professorum, & in humanioribus litteris, & ingenuis artibus, nempe Logicæ, Phisicæ, & Methaphisicæ optime versatorum, qui in hujusmodi Collegio Sacræ Theologiæ ejusdem Sancti Bonaventuræ tantum studiis insisterent, & operam suam navarent, atque in quatuor sententiarum libris ejusdem Sancti Bonaventuræ continue proficerent, ejusque Collegii Protectorem, quamdiu viveret, dilectum filium Alexandrum Sancti Laurentii in Damaso Diaconum Cardinalem Montaltum S. R. E. ViceCancellarium, secundum carnem ex Sorore pronepotem nostrum constituerimus, & deputaverimus, pro ut in dictis litteris plenius continetur, nunc demum intelleximus, divina favente clementia, jam in dictum Collegium Professores hujusmodi receptos, & admissos fuisse. Quare, ut pium hujusmodi opus, ac Reipublicæ Christianæ adeo salutare meliores in dies progressus ad Dei gloriam, atque animarum

marum salutem sortiatur, idem Alexander Cardinalis, & Protector de mandato nostro viva vocis oraculo ei facto, Constitutiones quasdam super regimine gubernio, & administratione dicti Collegii, illiusque personarum, bonorum, & rerum omnium edidit, & promulgavit. Quæ cum a nobis perfectæ, & laudabiles visæ fuerint, ut pro ejusdem Collegii bono regimine, & salubri directione perpetuis futuris temporibus observentur, Motu &c. simili, & ex certa nostra scientia, ac de Apostolicæ potestatis plenitudine Constitutiones præfatas, quarum, nec non erectionis, & institutionis prædictarum tenores præsentibus haberi volumus pro expressis, auctoritate Apostolica, tenore præsentium perpetuo confirmamus, & approbamus, ac præsentis scripti patrocinio communimus, eisque perpetuæ, & inviolabilis firmitatis robur adjicimus, ac per eos, ad quos spectat, firmiter, & inviolabiliter observari præcipimus, & mandamus, omnesque, & quoscumque juris, & facti, ac solemnitatum defectus, si qui intervenerint, in eisdem supplemus. Decernentes irritum, & inane, si secus super his per quoscumque, quavis auctoritate, scienter, vel ignoranter contigerit attentari. Non obstantibus quibusque Constitutionibus, & Ordinationibus Apostolicis, ac in Conciliis etiam Generalibus &c. dictique Ordinis Juramento &c. roboratis, statutis, & consuetudinibus, privilegiis &c. Quibus omnibus &c. illorum tenores &c. derogamus, ceterisque contrariis quibuscumque.

Fiat motu proprio. F.

Et cum absolute a censuris ad effectum &c. Et de perpetuis confirmatione, approbatione, communitione, robore, adiectione, præcepto, mandato, suppletionem, decreto, quæ hic pro sufficienter repetitis habeantur, in litteris latissime exten. & quod præmissorum omnium, & singulorum, & qualitat. Denominat. aliorumque necessaria-

47

cessariorum maior , & verior specificatio , & expressio fieri possit in litteris , etiam per Breve nostrum , aut alias expediend. , seu si videbitur , sola præsents nostri Motus proprii signatura sufficiat , & ubique fidem faciat , regula contraria non obstante . Datum Romæ apud S. Petrum Idib. Aprilis Anno quinto .

Lib. quinto Secretorum fol. 68,

Reg.

B.

Remondus .



SSMI D. N.

C L E M E N T I S

DIVINA PROVIDENTIA PAPÆ OCTAVI

Omnibus, & singulis Collegialibus Baccalaureis Collegii Seraphici Divi Bonaventuræ à fel. rec. SIXTO V. erecti pro eorum laurea, & indemnitate, & claritate, & amplificatione Doctoratus declaratio, & speciale Privilegium impetratum ab Eminentissimo & Reverendissimo Domino Alexandro Peretto S. R. E. Cardinali Montalto, & Vice Cancellario, ejusdem Collegii Præfatore.

C L E M E N S P A P A V I I I.

Ad Perpetuam Rei Memoriam.

Studiosis omnibus, & præsertim Religiosis, ut debita laboribus eorum præmia consequantur, favere solemus, ac eorum indemnitati libenter consulimus, pro ut in Domino salubriter conspiciamus expedire. Sane cum sicut accepimus, Baccalaurei Collegiales Sancti Bonaventuræ à fæl. rec. Sixto Papa V. Prædecessore nostro in Urbe apud Conventum Sanctorum duodecim Apostolorum Ordinis Fratrum Minorum Conventualium S. Francisci Instituti primum usque ad numerum quadraginta ex doctioribus Baccalaureis totius Ordinis, & deinde ex dictis quadraginta viginti præstantiores per Examinatores ad hoc deputatos, prævio riguroso examine, eligi soleant, lique integro triennio, antequam Magisterii gradum consequantur, in dicto Collegio sacrarum Litterarum studiis incumbere teneantur, nec possint intra triennium hujusmodi ad Doctoratus gradum quoquo modo aspirare, inter-

rim

rim tamen alii ejusdem Ordinis Baccalaurei, & ii for-
 san, qui a numero electorum tanquam parum idonei
 exclusi fuerant, alibi Magisterii gradum assequantur,
 qui postmodum supradictis Baccalaureis Collegialibus San-
 cti Bonaventuræ post ipsos ad Magisterii gradum promoti s
 præcedere debere prætendant; quod in maximam eorum-
 dem Collegialium, qui nisi in Collegium prædictum adscripti
 fuissent, ante illos eundem gradum consequi potuissent,
 injuriam vergeret; unde si talis admitteretur consuetudo,
 nulli, aut pauci ejusdem Ordinis Baccalaurei ad Collegium
 prædictum accedere vellent; Quare Nos eorumdem Col-
 legialium indemnitati consulere, ac illos specialibus fa-
 voribus, & gratiis prosequi volentes, & eorum singu-
 los a quibuscumque excommunicationis, suspensionis,
 & Interdicti, aliisque Ecclesiasticis sententiis, censuris,
 & penis a jure, vel ab homine, quavis occasione, vel
 causa latis, si quibus, quomodolibet innodati exis-
 tunt, ad effectum præsentium dumtaxat consequendum,
 harum serie absolventes, & absolutos fore censentes,
 supplicationibus dilecti Filii nostri Alexandri Sancti Lau-
 rentii in Damaso Diaconi Cardinalis Montalti nuncupa-
 ti, Sanctæ Romanæ Ecclesiæ Vice-Cancellarii, ejusdem
 Collegii Protectoris, Nobis super hoc humiliter porrectis
 inclinati, omnibus, & singulis ejusdem Collegii Sancti
 Bonaventuræ Collegialibus Baccalaureis, præteritis, præ-
 sentibus, & futuris, ut ex ipsa die, qua quisque ipso-
 rum in Collegium prædictum adscriptus fuerit, omni-
 bus, & singulis ejusdem Ordinis Fratribus, qui post eo-
 rum in dictum Collegium admissionem intra triennium,
 quo ipsi Collegiales in Collegio permanserint, Magi-
 sterii gradum consequuti fuerint, vel deinceps confe-
 quantur, in quibuscumque locis, processionibus & acti-
 bus, tam publicis, quam privatis præcedere, ac præ-
 ferri in omnibus, & per omnia possint, & debeant,
 perinde, ac si ex ipsa die suæ in dictum Collegium

G

admissio-

admissionis quilibet ex ipsis Collegialibus ad Magisterii gradum promoti fuissent, auctoritate Apostolica, tendere presentium concedimus, & indulgemus, sicque ab omnibus censi, ac ita per quoscunque ejusdem Ordinis Superiores, ac alios Judices ordinarios, & delegatos judicari, & definiti debere, ac irritum, & inane quidquid secus super his a quoquam quavis auctoritate attentatum forsitan est. haecenus, vel in posterum contigerit attentari; Non obstantibus quibusvis Constitutionibus, & Ordinationibus Apostolicis, ac ejusdem Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & approbatis. Quibus omnibus & singulis, eorum tendentes presentibus pro expressis, & ad verbum insertis habentes, hac vice dumtaxat specialiter, & expresse derogamus, ceterisque contrariis quibuscunque. Datum Tusculi sub Annulo Piscatoris. Die Tertia Octobris, Millesimo sexcentesimo primo, Pontificatus Nostri Anno Decimo.

M. Vestrius Barbianus.



DECRETUM

CONGREGATIONIS GENERALIS

Patrum Min. Conv. in favorem Collegialium
D. Bonaventuræ

Fr. Jo. Baptista Berardicellus Lارينensis Art. & Sac.
Theologiæ Doct. Universi Ordinis S. Francisci
Min. Conv. Minister Generalis.



UM Pastoralis muneris scopus inter cætera, quæ ad Religionis nostræ commune bonum conservandum spectant, eo præcipue tendat, ut ad pacem, quietemque inter Fratres procurandam, & procuratam in dies augendam, toto studio, totisque viribus operam demus (omne namque Regnum in seipsum divisum desolabitur) eamque vero sæpè sæpius non sine maximo Religionis detrimento, præsertim a prætendentiis circa præcedentiam, nedum turbari, verum & ab iisdem (id enim nobis in summo molestum est) rumores, & scandala evenire noverimus; hinc ad quascumque lites vitandas, omnibusque inconvenientibus iter præcludendum, eis quam citius consulere (licet consulto) ultimatè, ac definitive eas decidendo, ac terminando, summopere incumbimus, ea videlicet apponendo remedia, quæ rectam decent justitiam, qua redditur unicuique quod suum est. Quapropter in Definitorio Generalis Congregationis die 23. Maji currentis anni 1638. Romæ celebratæ, instantibus PP. Seraaphici D. Bonaventuræ de Vrbe Collegialibus, sibi de jure deberi in quibuscumque actibus, publicisque functionibus digniorem præ cæteris Religionis Collegialibus, nedum

in Vrbe, verum & in omnibus nostræ Religionis Conventibus, eos præcipue includendo, qui Collegiales erant, in quibus una commorari, vel quovis modo reperiri contingerit, locum obtinere, atque eisdem in omnibus præferri: Præterea, quia in examine pro Religionis Collegialibus ad præscriptum Bullæ Sum. Pon. Urbani Octavi Laureæ decorandis Romæ mense Maii anni MDCXXXVII. habito coram Eminentissimo & Reverendissimo D. Cardinali Lante Ordinis nostri Protectore, Nobis, aliisque Religionis insignioribus Patribus, eorum quidam per PP. Examinatores exclusi fuerant, quidam vero, licet idonei ad illam consequendam reperti, eam propterea non assequuti sunt, quia prædicti Summi Pontificis auctoritas pro Collegialibus Religionis laureandis Nobis impartita; non nisi ad certum numerum protendebatur; pro Collegio etenim Assisiensi ad octo, pro Bononiensi vero, Patavino, atque Neapolitano ad decem pro singulis Collegiis Collegiales jam laurea insignitos; Insteterunt ergo prædicti D. Bonaventuræ Collegiales dictis Religionis Collegialibus, tum a Doctoratus laurea exclusis, tum ad illam approbatis, non tamen laureatis, non obstante quod sexennium in Collegiis munera obierint, se similiter præponendos, nedum eousque dum Collegialium nomina utrique retinuerint, verum & pro statu Magisterii, si præfatos Religionis Collegiales, sive ad lauream approbatos, non vero laureatos, sive ad illam non approbatos, in fine præsentis triennii, qui Anno 1640. erit futurus; vel intra præsens triennium laurea decorari contingerit.

Patribus igitur totius Definitorii Congregationis Generalis, diligenter primo examinatis, discussisque rationibus pro D. Bonaventuræ Collegialibus, nec non iis, quæ pro Religionis Collegialibus poterant afferri, attentis etiam Sixti V. & Clementis VIII. gloriøsæ memoriæ summorum Pontificum Bullis, atque etiam Decreto nostro Anno præterito 1637. sub die 13. Maii in favorem Collegia-

legialium D. Bonaventuræ edito, decernere visum est, omnes, & singulos Seraph. D. Bonaventuræ Collegiales, ubique locorum, ubi una cum Religionis Collegialibus ipsos reperiri contigerit, maxime in Conventibus, in quibus Religionis Collegia erecta sunt, iisdem Religionis Collegialibus in quibuscumque actibus, & publicis functionibus jure præferendos, & præponendos: similiter eos Religionis Collegiales, tum ad lauream per examen idoneos judicatos, non tamen laureatos, tum etiam ab ipsa per Examinatores exclusos, eisdem Seraphici Divi Bonaventuræ Collegialibus digniorem locum, antianitatem, & præcedentiam cedere debere, tum in statu Collegii, donec. s. nomina Collegialium utrique retinuerint, tum in statu Magisterii, si prædictos Religionis Collegiales, sive ex approbatis ad lauream, & non laureatis, sive ex non approbatis in fine præsentis trienni, qui Anno 1640. futurus erit, vel intra præsens triennium laurea honestari contigerit, non obstante, quod per sexennium in Religionis Collegiis perseveraverint, & in iisdem per triennium ante ingressum Collegialium D. Bonaventuræ in idem Romanum Collegium, munera perfecerint, quod pariter respective in aliis futuris trienniis observari inter dictos Collegiales sancitum est.

Nos propterea ad pacem conservandam, scandala vitanda, rumoresque inter Fratres præcavendos sedulo invigilantes, Decretum hoc totius Diffinitorii Congregationis Generalis in favorem Collegialium D. Bonaventuræ in omnibus, & singulis clausulis, & particulis inviolabiliter observari, ut perpétuum silentium super lite de præcedentia inter prædictos Collegiales imponatur, volentes, hisce nostris, & qua munimur Generalatus auctoritate mandamus omnibus, & singulis Religionis Collegialibus, ut nullo pacto, nulloque prætextu huic nostro, totiusque Diffinitorii Congregationis Generalis sensui contradicere, resistere, seu quovis modo audeant refragari,

ri, sub pœna contravenientibus privationis Collegii eo ipso, aliisque nostro servatis arbitratui, si dum Collegiales; sin autem cum Magistri; Magisterii suspensionis ipso facto, aliisque ad nostrum similiter placitum infligendis, & in casu inobservantiæ contraventionis præcipimus ad meritum salutaris obedientiæ, & sub pœna, eorum officiorum privationis, Patribus pro tempore Provinciarum Provincialibus, & Conventuum Guardianis, atque Collegiorum Regentibus, in quibus casus evenire contingat, ut hanc nostram, totiusque Definitorii mentem executioni mandare procurent.

In quorum Fidem &c. Datum Romæ Die 3. Junii 1638.

Fr. Jo. Baptista Generalis.

Locus ✠ Sigilli.

Fr. Jo. Donatus à Spinatiola Secr. Ord.



B R E V E

SSMI DNI NRI

INNOCENTII XI.

*Quo confirmatur Decretum a Sacr. Congreg. Episcoporum,
& Regularium an. 1688. editum pro Collegialibus
S. Bonaventuræ super præcedentia quo ad omnes
alios Religionis Collegiales.*

INNOCENTIUS PP. XI.

Ad futuram Rei Memoriam



Manavit nuper a Congregatione Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præposita in causa præcedentiæ inter dilectos Filios Collegiales Ordinis Fratrum Minorum S. Francisci Conventualium nuncupatorum ex una, & Collegiales Collegii S. Bonaventuræ de Urbe ejusdem Ordinis ex altera partibus vertente, Decretum tenoris, qui sequitur, videlicet „ *In causa Romana præcedentiæ vertente inter Collegiales Religionis Minorum Conventualium S. Francisci ex una, & Collegiales D. Bonaventuræ de Urbe ejusdem Ordinis ex altera, Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, partibus informantibus, referente Eminentissimo de Angelis, censuit, ac declaravit, Collegiales S. Bonaventuræ præferendos esse omnibus aliis Collegialibus, etiam S. Francis!*

*cijci Bononiæ , & Pragæ , admissis ad Magisterium post
admissionem ipsorum Collegialium S. Bonaventuræ ad
Collegium . Romæ 14. Maii 1688. G. Cardinalis Car-
pincus . Loco * Sigilli . B. Panciaticus Secretarius . ,*

Cum autem , sicut pro parte Collegialium Collegii
S. Bonaventuræ præfatorum Nobis subinde expositum
fuit , ipsi decretum hujusmodi , quo firmius subsistat ,
& servetur exactius , Apostolicæ confirmationis nostræ pa-
trocinio commuiri plurimum desiderent ; Nos ipsos ex-
ponentes specialibus favoribus , & grâtiis prosequi vo-
lentes , & eorum singulares personas a quibusvis exco-
municationis , suspensionis , & interdicti , aliisque Ec-
clesiasticis sententiis censoris , & penis a jure , vel ab
homine quavis occasione , vel causa latis , si quibus quo-
modolibet innodati existunt , ad effectum præsentium
dumtaxat consequen. harum serie , absolventes , & ab-
solutos fore censentes , supplicationibus eorum nomine
nobis super hoc humilliter porrectis , inclinati , Decre-
tum prædictum auctoritate Apostolica tendere præsentium
approbamus , & confirmamus , illique inviolabilis Apo-
stolicæ firmitatis robur adjicimus , salva tamen semper
in præmissis auctoritate memoratæ Congregationis Car-
dinalium . Decernentes , easdem præsentis literas firmas ,
validas , & efficaces existere , & fore , suosque plena-
rios , & integros effectus sortiri , & obtinere , ac illis ,
ad quos spectat , & pro tempore spectabit , plenissime
suffragari , & ab eis respective inviolabiliter observari ,
sicque in præmissis per quoscumque Judices Ordinarios ,
& Delegatos , etiam causarum Palatii Apostolici Audi-
tores , judicari , & definiri debere , ac irritum , & inane
si secus super his a quoquam quavis auctoritate scienter ,
& ignoranter contigerit attentari . Non obstant . Con-
stitutionibus , & Ordinationibus Apostolicis , ac quatenus
opus sit Collegiorum , & Ordinis præfatorum etiam ju-
ramento , confirmatione Apostolica , vel quavis firmitate
alia

alia roboratis, statutis, & consuetudinibus; Privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud Sanctam Mariam Majorem sub annulo Piscatoris, die 29. Novembris MDCLXXXVIII. Pontificatus Nostri anno decimo tertio.

I. F. Albani.

Romæ die 30. Novembris 1688. præsentēs Litteræ Apostolicæ lectæ, & publicatæ fuerunt per me F. Bonaventuram Fontanam de Malleis Vice-Secretarium Ordinis, & Provincialem Provinciæ Angliæ, præsentibus Patribus, & Fratribus Conventus congregatis ad sonum campanulæ jussu Patris Reverendissimi Magistri Antonii Averfani de Averfa Ministri Generalis Ordinis Minorum S. Francisci Conventualium in solita residentia, ac per eundem executioni demandatæ, Testibus &c. In quorum fidem &c.

Fr. Bonaventura Fontana a Malleis Vice-Secretarius Ord. ac Provincialis Angliæ manu propria.

Fr. Joseph de Cavis Guærdianus Conventus manu propria.

Er. Laurentius Fabri a Bon. Conf. S. Officii &c. fui præsens &c.

Fr. Philippus Oliverius de Urbino fui præsens &c.

Alterum Sac. Congregat. Episcoporum, & Regularium Decretum editum an. 1753. favore Collegialium S. Bonaventuræ super præcedentia quo ad Patres de *Domo*, & *Discretos perpetuos*, una cum Encyclica P. Ministri

H

Gene-

Generalis Ordinis de mandato ejusdem Sac. Congreg. universæ Min. Conv. Religioni eadem de hac ipsa re directa.

Sacra Congregatio Eminentissimorum, & Reverendissimorum S. R. E. Cardinalium, negotiis, & Consultationibus Episcoporum, & Regularium præposita, auditis P. Ministro Generali, ac P. Procuratore Generali, decrevit, & declaravit: Præcedentiam competere Collegialibus S. Bonaventuræ de Urbe super Patribus nuncupatis de *Domo*, & *Discretis perpetuis*, & sic observari mandavit; & mandat P. Generali, quatenus pro omni moda executione det Litteras Encyclicas toti Ordini.

Romæ 6. Aprilis 1753.

Loco + Sigilli.

C. A. Card. Cavalchini
Joseph Maria Arch. Damasc. Sec.

ENCYCLICA MINISTRI GENERALIS.

Intus. M. R. P., Vengo avvisato da Monsignore Segretario della Sagra Congregazione de' Vescovi, e Regolari, che essendo stata esaminata da quel Tribunale, l'istanza fattagli per parte del Collegio di S. Bonaventura sopra la precedenza, che possa competere ai Collegiali del detto Collegio, ed abbia la medesima Congregazione decretato nella maniera seguente: *Præcedentiam competere Collegialibus S. Bonaventuræ de Urbe supra Patribus nuncupatis de Domo, & Discretis perpetuis*: Perciò V. P. M. R. si contenterà di rendere intesi tutti que' Conventi di sua Provincia, che fanno i Padri di Casa, e dove pure si trovano Discreti perpetui. Preghi il Signore &c. Roma 10. Aprile 1753.

Fratello nel Sig. e Servo &c.

F. Antonio Calvi Ministro Generale.

SAN-

SANCTISSIMI DOMINI NOSTRI

DIVINAE PROVIDENTIA PAPÆ VI.

EPISTOLA DECRETALIS PIVS PAPA SEXTUS

Ad perpetuam rei memoriam.

Omnium decet Pontificem iis præsertim cognoscendis finiendisq; causis operam dare, quæ inter S. R. E. Cardinales ob divini cultus, studiorumq; rationem aguntur; ac æque par est, ut cum illæ ex Apostolicis suorum Decessorum Litteris sint exortæ, ac sæpius in contentionem deductæ, ad ipsum tamquam ad fontem, unde manarunt, revocentur: quo tandem fiat, ut initiis suis exitus planè consentiant.

Cum itaque obitu Cardinalis Alexandri Albani instaurata nuper fuerit inter tres S. R. E. Cardinales, nimirum Venerabilem Fratrem Nostm Joannem Franciscum Albanum Episcopum Ostiensem, & Veliternensem, ac Dilectos Filios Nostros Marium Tituli S. Augustini Marfescum, & Innocentium Tituli S. Silvestri in Capite de Comitibus quæstio super pertinentia *Protectionum* tum Cappellæ ad Præsepe Jesu Christi in Basilica S. Mariæ Majoris, tum Collegii S. Bonaventuræ in Conventu SS. XII. Apostolorum de Urbe, tum Collegii Montis Alti in Civitate Bononiæ, quas felicitis recordationis Sixtus PP. V. Prædecessor Noster suis Apostolicis Litteris datis v. Id. Jun. & Non. Octobris Anni 1536. & xv. Kal. Decembris Anni 1538. certis quibusdam Legibus constituit; Nos considerantes, hujusmodi quæstiones in singulis fere

H 2

Prote-

Protectionum vacationibus excitatas dirimi hæcenus nequidisse iudiciis particularium Congregationum, & Rotæ Auditorii, pro Personarum & rei dignitate duximus Causam ad Nos advocare, eamque omnibus sedulo perpensis juribus, ac rationum momentis a memoratis Cardinalibus ad Nos scripto delatis, & in consilium adhibitis tribus Dilectis Filiis præstantibus Consistorii Nostri Advocatis, in quos ob publicam, quibus unice funguntur, munera, nulla cadere potest privati studii suspicio, iisque concordibus animis cum Nostro antea percepto, & intra Nos retento iudicio consentientibus, ita definire decrevimus, ut nequid præsentis, sed futuris etiam controversiis prospiceretur.

Et quoniam res tota a Sixti voluntate pendet, opus est, ut illam singulariter in Causa iudicanda spectemus. Tres fuerunt a Pontifice constituti Ordines Protectorum, quorum alterum alteri substituit, ut ex Litteris, quas modo memoravimus, aperte dignoscitur. Nam ex hac vita decedens Cardinalis Alexander Perettus, suus ex Sorore Pronepos, in quem tres *Protectiones* Sixtus cumulaverat, vocavit primo *antiquiorem S. R. E. Cardinalem*, vel ex *nostra Familia* tantum, ut in erectione Collegii S. Bonaventuræ, vel ex *nostra Familia & Parentela*, ut in aliis duabus erectionibus factum est, Hisce autem deficientibus, vocavit secundo *antiquiorem Cardinalem ex Provincia Marchie Anconitanæ oriundum*; & eo denique non extante, vocavit tertio in Defensorem Cappellæ primum *Presbyterum Cardinalem pro tempore existentem*, in Defensorem Collegii S. Bonaventuræ *Protectorem Ordinis Minorum Conventualium*, & in Defensorem Collegii Montis Alti alium *Cardinalem* quem *Rector & Scholares* duxerint eligendum, hac tamen adjecta lege quoad Cappellam, ut licet nullo existente *Nostri sanguinis Cardinale*, alius ad id, ut præfertur, vocatus *Cardinalis* munus *Protectoris* huiusmodi obire

obire & exercere incæperit, nihilominus si postmodum contingat, aliquem Nostræ Familiæ & Parentelæ ad Cardinalatus honorem assumi, is in ejusdem muneris functione præferri debeat, & constitutio & deputatio cujusvis alterius in Protectorem hujusmodi facta eo ipso cessare, & expirare debeat.

Hac præcognita Pontificis voluntate ad duo capita redigi potest triangularis, quæ nuper orta est, concertatio, ad *Parentelam* nimirum, & ad *Originem* ex Provincia Marchiæ Anconitanæ. Nam Cardinalis Innocentius de Comitibus uti Consanguineus Dilecti Filii Nobilis Viri Ducis Francisci Sfortia descendens a Fœmina de-Familia Peretti contendit se in primo vocatorum Ordine contineri quoad *Protectionem* tam Cappellæ ad Præsepe, quam Collegii Montis Alti, ad quas antiquior Cardinalis vocatur ex *Nostra Familia & Parentela*. Contra verò Cardinalis Joannes Franciscus Albanus ex Nostra Urbini Civitate oriundus duabus hisce *Protectionibus* ultrò remissis, contendit, se esse in secundo genere vocatorum quoad *Protectionem* Collegii S. Bonaventuræ, quæ cum in prima Sede ad solos Cardinales de Nostra Familia fuerit coercita, cumque Familia Peretti jam omnis defecerit, sibi unice tamquam *Cardinali antiquiori Provinciæ Marchiæ Anconitanæ* Oriundo debeatur. Tandem Cardinalis Marius Marefusus Maceratæ natus, putat has tres *Protectiones* sibi dumtaxat esse adjudicandas, cum neget Cardinalem de Comitibus esse Sixti V. consanguineum, & Cardinalem Albanum esse ex Provincia Marchiæ Anconitanæ oriundum.

Ut itaque scõssim agatur de utroque controversiæ capite, ad *Parentelam*, quod attinet, utique cæteris esset præferendus Cardinalis de Comitibus, si is ex Familia Peretta, & ex sanguine Sixti V. descenderet. At quoties ab eadem Familia nec per mares, nec per fœminas originem trahit, nulloque proinde, ut ipse agnoscat

scit Cardinalis, sanguinis vinculo eidem Familiæ & Pontifici jungitur, sed tantum per medium Fœminæ Victorix de Comitibus Amitæ suæ nuptæ Duci Cajetano Sen. Sfortia, consanguineus est Ducis Francisci, sane ejus postulatio locum non habet, tam si *nostra familia* vocabulum, quam si *parentela* nomen spectetur. Quamvis enim familiæ significatio varie accipi possit, & eo nomine non Agnati solum, sed etiam Cognati, immo Gener & Nurus aliquando comprehendantur, communiter tamen, & proprio jure *Familia* indicat Agnatos, & illi ejusdem familiæ appellantur, qui ex eadem Domo & Gente sunt. Porro dubium non est, quin propria & communi significatione fuerit a Sixto V. *familia* nomen usurpatum, nam semel ac vocavit ipse primo loco Cardinales *de nostra Familia*, ex propria vi illius possessivi = *Nostri* = idem est, ac si addito cognomine, vocasset Cardinales de Familia, & Agnatione Peretta, ab eodem Pontifice in descendencia Sororis instaurata, ut alias declaratum est in Constitutionibus Collegij S. Bonaventuræ a Cardinali Alexandro Peretti de mente ipsius Pontificis editis, & ab eodem in specifica forma confirmatis, & ut re plene discussa in lite acta Anno 1671. inter Cardinalem Paulum Sabellum, & Decium Azzolinum definitum est a nostro Rotæ Auditorio.

Neque majus aderit Cardinali de Comitibus præsidium ex latiori illo Vocabulo *Parentela*. Si siquidem inter se consanguinei appellantur, & sunt, qui ab eodem sanguine profisciscuntur. In his censentur Cardinales omnes Cognati, & descendentes ex fœminis, qui in priori familiæ appellatione minime continebantur; sed non censentur, nec censerî possunt ii, qui a Sanguine Familiæ non descendunt, ac propterea non sunt ipsi Familiæ consanguinei. Non enim Pontifex vocavit Cardinales de Parentela hæredum, & Successorum, aut Consanguineos Consanguineorum, sed consulto, atque iterato

iterato vocavit DE NOSTRA *parentela* Cardinales, habita relatione *ad se ipsum*, ex qua sicuti ambigi non potest, quin soli Fundatoris Consanguinei fuerint honorati, ita ambigendum non est reliquos omnes exclusos fuisse; Quamvis enim isti possint esse Successorum, & heredum consanguinei, extranei tamen sunt quoad Fundatorem, cujus persona debet spectari. Idque fit evidentius ex aliis etiam Pontificiæ dispositionis partibus, ubi *substitutos* ad *Protectiones* admittendos esse edixit, *existente nostri Sanguinis Cardinale*, & ubi tertio in Cappella Sepulchrum *pro nostris dumtaxat consanguineis* sepeliendis assignavit. Quæ quidem omnia optinè declarant diversos esse nequivisse Cardinales de nostra Familia, & Parentela, quam Cardinales nostri Sanguinis; immo in ore & mente Pontificis ea Vocabula fuisse Synonyma.

Nec secus significavit Pontifex, ubi in iisdem litteris erectionis Cappellæ ad Præsepe, deficientibus lineis masculinis, & foemininis primum Michaelis, deinde aliorum omnium ex sua Sorore pronepotum, substituit in Jurepatronatus Cappellæ, ejusque Cappellaniarum *eum, qui nobis fuerit Sanguine proximior*. Ideo enim hæc postrema substitutio, a qua argumentum trahitur ad *Protectiones*, porrigi contenditur ad consanguineos Consanguineorum, quia supponitur post extinctas memoratas lineas masculinas, & foemininas Pronepotum ad Juspatronatus vocatas, neminem superesse potuisse ex Pontificis sanguine, ac proinde substitutionem eandem. ne otiosa dicatur, aptari Consanguineorum Consanguineis oportere. At hujusmodi interpretationi verba resistunt. & facta: Latere Pontificem non poterat *Parentela* sua; Quapropter si verè nulli sibi fuissent Consanguinei præter Descendentes suorum ex Sorore Pronepotum, non utique eis in Jurepatronatus substituisset illum, qui *sibi* esset *Sanguine proximior*. Impropria loquutio, ac falsa demon-

demonstratio si nemini, eo sanè minus adscribendæ sunt Pontifici Maximo de re familiari sibi notissima loquenti. Exhaustivit Ipse quidem in vocatione Successorum ad Juspatronatus Cappellæ universam Descendentiam suorum ex Sorore Pronepotum, omnesque proinde exhaustivit Consanguineos suos *de Lineis contentivis proximis & inferioribus*; Sed cum idem non fecerit quoad alios suos Consanguineos Linearum Transversalium superiorum tam ex latere Patris, quam ex latere Matris, qui *Lineas contentivas remotas* efformabant, hos profecto, qui verè de ipsius Sanguine erant, putandum est Pontificem invitasse ad Juspatronatus in postrema Substitutione illius, *qui fuerit de nobis Sanguine proximior*. Revera, memoriæ proditum est a Scriptoribus fide dignis, & publicis etiam comprobatur monumentis Patrem Sixti V. plures habuisse Sorores pluribus nuptas Familiis, aliosque eidem Pontifici non defuisse Consanguineos, quos inter nostrum Rotæ Auditorium in præfata Lite Anni 1671. recognovit ipsummet Cardinalem Andream Barorum ex Provincia Marchiæ, qui post mortem Cardinalis Alexandri Peretti in *Protectionibus nunc controversis successit*.

Quidquam obesse nec potest, agi de dispositione perpetua, & de materia favorabili; Nam efficit id quidem, ut quot sunt, aut esse possunt veri Consanguinei Pontificis, ii quovis in gradu sint, omnes admittantur; Sed efficere minimè potest, ut ii admittendi sint, quos littera non comprehendit.

ALTERUM controversiæ caput in eo versatur, num *Urbini Civitas* ex qua originem ducit Cardinalis Joannes Franciscus Albanus, sit intra fines Provinciæ Marchiæ Anconitanæ, ita ut is haberi debeat *pro antiquiori Cardinali ex Provincia Marchiæ Anconitanæ oriundo*, quem secundo loco Pontifex ad memoratas *Protectiones* invitavit. Paucis tamen quæstio ista absolvitur. Relicta enim

Dispu-

Disputatione de Finibus *antiqui Piceni*, ac de ejus *Pentapoli*, quam in exordio alterius controversiæ egit Lucubratio pro jamdiu defuncto Cardinali Annibale Albani occasione inferior memorandæ Litis evulgata, & inscripta = *Status Geographicus Marchiæ Anconæ pro intelligentia Textus trium Bullarum Pontificis Sixti V. super antiquiori Cardinali Marchiæ vocato ad Protectionem Cappellæ Sixtinæ in Basilica S. Mariæ Majoris, & duorum Collegiorum Montis Alti Bononiæ, & S. Bonaventuræ Urbis edit. Rom. 1726.*; illud profecto extra controversiam est positum Provinciam Marchiæ Anconitanæ jam inde ab eo tempore, quo Provincia est constituta, ad nostram ætatem usque, fuisse semper re, legibus, juribus, consuetudinibus, privilegiisque distinctam, ac separatam ab Urbini Civitate, ejusque Ducatu, si solæ Ægidianæ Constitutiones excipiantur; Quæ quidem ea una de causa in Urbinatensi Ducatu viguerunt, dum Cardinalis Ægydus Legati munereungebatur, quia idem Cardinalis tamquam Vicarius *Generalis Papæ* omnimoda auctoritate pollebat in universa Ecclesiastica Ditione. Cæterum Legati omnes, qui Ægidium antecesserunt, aut sunt consecuti, sese subscripserunt distincto illius Legationis nomine, quam obibant, & Rectores *Marchiæ, Spoleti, Urbini*, aliarumque Provinciæ fuerunt nuncupati, ut vetera, & recentiora diplomata testantur, & concors est Geographorum, aliorumque Scriptorum sententia, si pauci demantur, qui rerum ignari in errorem prolapsi sunt, vel quia divisiones spectarunt Provinciæ, quæ a Religiosis Viris prolibitu sunt, vel quia spirituales Diocesium fines cum temporalibus miscuerunt.

Id clarius evincitur, si tempora spectentur, quibus Pontifex hæc *Protectiones* instituit. Tunc enim *Marchiæ Anconitanæ Provincia* pleno dominio Sanctæ Sedis, & Romani Pontificis suberat; Urbinum verò non item.

Constat enim Ducatum illum multis ante Sixtum annis concessum a Sancta Sede fuisse Familiae de Ruvere, per formalem, ut ajunt, infeudationem cum pleno imperio, regalibus, & jure Principatus, illiusque potestati paruisse. Quæ si advertantur, planum est, Urbini Civitatem, & Ducatum, qui tunc ex Provinciis Apostolicæ Sedi immediatè subiectis non erat, his verbis = *ex Provincia Marchiæ Anconitanæ* = comprehendi minime potuisse. Juris enim est non ambigui, verba intelligenda esse secundum tempus, quo fuerunt prolata; Eo vel magis quia cum idem Pontifex fundavit, crexitque Collegium Montis Alti, ita nuncupatum ex loci nomine, ubi is natus fuerat, disertè declaravit, illud ab se erectum, fundatumque fuisse, ut consuleret *locis temporali nostræ Ditioni subiectis*, utque *Provincia nostræ Anconitanæ* prospiceret, ac transiens subinde ad Cardinalem ejusdem Collegii Protectorem, invitavit post Cardinales consanguineos, *Cardinalem EX DICTA PROVINCIA Marchiæ Anconitanæ oriundum*; Quibus sanè verbis Ducatum Urbinateensem, & Urbinales temporali Ditioni tunc non subiectos, fuisse dilucidè exclusos facile est intelligere. At verò ambigi nequit, quin Sixtus V. in omnibus iis dispositionibus, in quibus Marchiam Anconitanam nominavit, de una, eademque Provincia semper fuerit locutus.

Sed pluribus opus non est, semel ac constat, Marchiæ Anconitanæ Provinciam ab Urbini Ducatu habitam ab eodem Pontifice fuisse pro distincta, & separata. Constat enim ex Litteris Apostolicis datis Idib. Martii 1589. Pontificem Sixtum crexisse Rotæ Tribunal in Civitate Maceratæ *pro felici regimine Provinciæ nostræ Marchiæ*: Et huic quidem cuncta Provinciæ Loca submisisse, sed non item partem ullam Urbinateensis Ducatus, cum illum extra Marchiæ Provinciam situm esse censuerit. Monstrant item aliæ ejusdem Pontificis Apostolicæ Litteræ

terz data ix. Kalend. Junii 1589. Ecclesiam Episcopalem Firmanam tot prerogativis illustrem fuisse ab Ipso erectam in Ecclesiam Archiepiscopalem, eo quod *in Provincia Marchia nulla esset Metropolis Ecclesia*: Id autem nec asseruisset Pontifex, nec asserere revera potuisset, si Ducatum Vrbinate sem ex ea putasset Provincia: Nemini enim melius quam ei notum erat Vrbinate sem Ecclesiam ante annos viginti quinque, scilicet anno 1563. in Metropolim erectam a Pio IV. felic. record. Pontifice fuisse. Quo in loco praetereunda non sunt ea, quae in iisdem litteris consulto addidit Pontifex, dum ait = *Quemadmodum Firmum Picenam olim nominabatur, ita aliis temporibus Marchiam Firmanam vocatam fuisse, quod Firmum primaria Civitas in dicta Provincia existeret* = Hisce enim animadversis planum est, ab eo usque tempore desuisse distinctionem inter Marchiam Firmanam, & Anconitanam, & tum Firmum, tum alia totius Provinciae loca non per extensionem, sed proprio, & communi usu sub uno Provinciae Marchiae Anconitanae vocabulo comprehensa fuisse.

In tanta rei luce, si qua possessio, aut consuetudo ab Vrbinatebus afferri posset in medium, ea spectanda non esset: Jus enim clarum vincit causam possessionis, & quod non ratione introductum, sed errore primum, deinde consuetudine est inductum, id diutius servari non decet. Ceterum observantia Vrbinatebus magis obest, quam profit. Nam Vrbinum, ejusque Ducatus etiam post illius devolutionem ad S. Sedem, non secus atque antea, remansit ab omni alia Provincia disjunctus, ita ut cum Provincia Marchiae Anconitanae nihil omnino habeat commune. Ad *Protectiones* verò quod attinet, eas obtinuit quidem omnium primus Cardinalis Gaspar de Carpineo, mox Cardinalis Annibal Albanus, tandemque Cardinalis Alexander ex eadem Albana Familia, omnes ex Vrbino oriundi; At primus si duas ex illis

obtinuit anno 1689. , id nonnisi ex Transactione factum est, inter ipsum iuita, & Cardinalem Petrum Matthæum Petruccium Ælinatem, qua fuit cautum, ut *Protectiones* dividerentur inter eos cum lege reversionis favore superstitis, hac insuper adjecta declaratione, ut nullum ex hoc placito illatum censeretur hodiernæ, tunc etiam promotæ quæstioni præjudicium: quo sit, ut hæc privata, & circumspècta Conventio afferri in exemplum non queat. Alii vero Cardinales duo per id temporis *Protectiones* obtinuerunt, quo nullus aderat ex Provincia Picena Cardinalis, tacentibus cæteris in eum casum substitutis, quorum proinde silentium nocere non posse Successoribus in tertio hoc Ordine comprehensis, & ex jure proprio venientibus est exploratum.

At præteriri non debet, Cardinalem Annibalem Albani, suscepta antea Lite cum Cardinali Prospero Mazæusco Maceratensi coram Congregatione Particulari a Benedicto XIII. fel. record. Pontifice deputata, editisque hinc inde Allegationibus, Dissertationibusque, de quibus supra meminimus, ultrò eidem Liti celsisse, & id *facto* agnovisse, quod *verbis* etiam professus fuit in Commentario Vitæ Clementis XI. ab se evulgatæ, ubi dicitur, esse *Urbium Nobile Umbrorum municipium*. Quæ autem modo a Card. Joanne Francisco Albano adjiciuntur, se esse Protectorem Provinciæ Marchiæ, Ecclesiæ, & Collegii Picenæ Urbis, & loca duorum Collegiorum Picenæ, & Montis Alti adolescentibus ex Provinciæ Marchiæ addicta, Urbinatibus etiam collata aliquandò fuisse, ea levia admodum sunt. Nam nulla lex scripta est, quæ præcipiat, ut soli ex Provinciæ Marchiæ Cardinales patrocinium suscipiant ejusdem Provinciæ, Ecclesiæ, & Collegii in Urbe existentis, sed arbitrio, placitoque Deputatorum Nationis eliguntur. Quoad loca verò duorum Collegiorum Urbinatibus adolescentibus collata, aut id ex erronea opinione factum est,

est, aut loca ex iis esse potuerunt, quæ in Sixtinis Litteris pro Collegio Montis Alti editis reservata sunt liberæ Cardinalis Protectoris dispositioni.

Deest igitur jus omne tum Cardinali Innocentio de Comitibus, tum Cardinali Joanni Francisco Albano. Hinc reliquum est, ut Cardinali Mario Marefusco, qui ex Provincia Marchiæ Anconitanæ certam habet originem, & antiquior est cæteris ejusdem Provinciæ Cardinalibus, *Protectiones omnes unice debeantur*. Quare finem huic controversiæ imponentes *decernimus*, *Protectiones Cappellæ ad Præsepe in Basilica S. Mariæ Majoris, Collegii S. Bonaventuræ in Conventu XII. Apostolorum de Urbe, & Collegii Montis Alti in Civitate Bononiæ spectare ad dilectum filium nostrum Cardinalem Marium Marefuscum cum omnibus juribus, præminentis, legibus, & conditionibus, quæ in sæpius memoratis litteris felicitis recordationis Pontificis Sixti V. continentur: & proinde VOLVIMVS ET MANDAMVS*, ut *is qua verus supradictorum trium locorum Protector, & Defensor ab hac die impofterum cunctos possessionis actus, & jura exercere liberè valeat, & qua talis ab omnibus agnoscat, recipiaturque, quavis contradictione, & reclamatio- ne remota.*

Verum quia mens nostra est, ut quoad fieri possit, futuro etiam tempore omnium litium, dissidiorumque semina in *Protectionibus* istis optandis elidantur, ideo nos morem, & exempla sequuti Prædecessorum Nostrorum, qui sæpius novis Constitutionibus editis veterum legum ambiguitatem providè sustulerunt, enunciatas Sixtinas litteras interpretando, explicando, & supplendo coherentem ad ea, quæ supra constituta sunt, ex certa scientia quasdam adiicimus **MOTU PROPRIO**, & auctoritate nostra Apostolica declarationes, quæ instar legis perpetuo valituræ habendæ sint, perinde, ac si in iisdem litteris appositæ usque ab initio fuissent.

Decla-

Declaramus itaque, & præcipimus, ut substitutio Cardinalium *de nostra Familia*, quæ primo loco facta est, quoad *Protectionem* Collegii S. Bonaventuræ, habeatur pro extincta, cum Familia, & Agnatio Peretta, ad quam fuerat coercita, jamdudum defecerit, & ut deinceps *Protectio* ejusmodi exclusis omnibus Cardinalibus cognatis, spectet tantum ad antiquiorem ex Provincia Marchiæ Anconitanæ Cardinalem, eoque non existente, ad Cardinalem Protectorem Ordinis Minorum Conventualium, ab eodem Pontifice Sixto V. substitutos. Hinc approbamus, & confirmamus latum hac in re a Rota judicium inter Sabellum, & Azzolinum S. R. E. Cardinales in decisione Nobis exhibita, cui Titulus, „*Romana, & Bononien. Protectionum* 20. April. 1671. coram Albergato, & cui perpetuæ, & inviolabilis firmitatis robur adiicimus ejus tenorem pro expresso habentes, etiamsi decisio isthæc typis impressa non fuerit, & aliis quibuscumque non obstantibus defectibus.

Declaramus præterea, & decernimus, ut Cardinales tantum *de cognatione, & consanguinitate Sixti V.*, quocumque in gradu sint, ad alias duas *Protectiones* Cappellæ ad Præsepe, & Collegii Montis Alti ante alios admittantur, & ut illis saluum sit jus avocandæ *Protectionis* Cappellæ a cæteris Cardinalibus substitutis eo modo, quo in litteris Erectionis ejusdem Cappellæ præscriptum est. Qua in re sicuti duæ sunt Congregationum Particularium ab Urbano VIII., & ab Alexandro VII. deputatarum invicem pugnantes resolutiones, a quarum altera jus ejusmodi Cardinali Francisco Peretto probatum fuit, altera autem ad postulationem Nationis Picenæ confirmata a Clemente IX. suis Apostolicis Litteris datis die 25. Maii anni 1668. Cardinali Virginio Ursinio negatum, ita penitus abrogata secunda hac resolutione, ejusque confirmatione, quam Idem Clemens IX. ad viam juris redegit eo ipso quod causam subinde ortam inter Sabellum

lum Sixti V. Pontificis consanguineum , & Azzolinum Rotæ Auditorio *prout de jure* definiendam commisit , priorem illam resolutionem approbamus , & inviolabiliter servandam esse præcipimus .

Declaramus etiam , & præscribimus , ut Cardinales oriundi ex Urbino , ejusque Ducatu , ne deficientibus quidem Cardinalibus ex Provincia Marchiæ , *ad Protectiones* imposterum admitti valeant , quum in præjudicium aliorum vocatorum subsidiaria hæc admissio concedi nequeat iis , qui a Provincia Marchiæ Anconitanæ omnino extranei nullum habent vocationis primordium .

Cum vero dubitari possit comprehendere , nec ne debeant nomine Cardinalium ex Provincia Marchiæ Anconitanæ oriundorum Cardinales ex nostris Civitatibus *Camerini* , & *Fani* oriundi : Etenim ex una parte constat *Camerinum* suos habuisse Duces , & ad Umbriæ Provinciam pertinuisse ; In *Fano* autem ideo servandam non esse Constitutionem Carpentensem , inter cætera edixit Rotæ Tribunal *in Fanen. Salvoiani* 16. Aprilis 1717. coram *Gamaches* , quia cum Geographis censuit eam Civitatem intra limites Provinciæ Marchiæ non esse , sed sitam reperiri in Provincia Umbriæ : Parte vero ex altera notum est , utramque Civitatem fuisse a Sixto V. enumeratam inter Civitates Provinciæ Marchiæ in suis Apostolicis Litteris datis Id. Martii 1589. in quibus *non obstantibus Constitutionibus dictæ Provinciæ , & Locorum Statutis , Legibus , Naturis , & Privilegiis pro ea vice dumtaxat specialiter & expresse derogatis* , Rotam Maceratensem pro *felicis Regimie Provinciæ Marchiæ* instituit , quæ Litteræ confirmatæ fuerunt primum a Gregorio XIV. per alias Litteras diei 12. Julii 1591. & deinde , præviis duabus Rotæ Decisionibus , ab Innocentio X. per Litteras diei 5. Martii 1646. : Nec non *Camerini* Urbem , ex qua ortum habuit Mater Sixti V. fuisse ex præcipua ejusdem Pontificis beneficentia decoratam nominatione trium

trium Civium suorum ad totidem Scholarium Loca in Collegio Montis Alti per Litteras Apostolicas datas xv. Kalen. Decembris 1588.

Hinc , ut ambiguitatem omnem , quæ futurarum hac in re contentionum causa facile esse posset , præcidamus , eam elegimus viam , quæ juris rationi , & Pontificis aëlibus visa Nobis est magis consentanea . Quapropter supradictarum Litterarum Apostolicarum , cæterorumque omnium monumentorum tenore præ oculis habito , animadvertentes vocationem Cardinalium , ex in-
controvertibilibus Locis Provinciæ Marchiæ oriundorum *explicitam* habere vocationem in Litteris illis Apostolicis , in quibus tres nunc controversæ *Protectiones* institutæ fuerunt ; Cardinales vero Camerinenses & Fanenses vocationem eandem non aliter sibi asserere posse , quam *inductivæ* ex aliis mox relatis ejusdem Sixti V. Litteris ad alios effectus editis , in quibus Camerinum & Fanum cæteris Provinciæ Marchiæ Locis quodammodo aggregavit : itemque considerantes majora erga Camerinum , quam erga Fanum Pontificem ipsum exhibuisse suæ dilectionis & munificentiæ argumenta , statuimus , ut ad *Protectiones* primo admittatur antiquior Cardinalis oriundus ex iis Provinciæ Marchiæ Civitatibus , Oppidis , & Locis , quibus naturalis , indubia , & incontrovertibilis Marchiæ Anconitanæ proprietas suffragatur ; Horum autem Cardinalium nemine extante , antiquior admittatur Cardinalis oriundus ex Civitate Camerini , ejusque Comitatu ; Quorum nemo si adsit , admittatur antiquior Cardinalis ex Civitate Fani , ejusque Locis oriundus . Volumus tamen ut per hoc non sit , nec censeatur quidquam in cæteris innovatum quoad naturam , statum , conditionem , & jura prædictarum Civitatum Camerini & Fani , sed illa non secus , ac jura omnia Provinciæ Marchiæ Anconitanæ in reliquis salva , integra , & in suo robore ac firmitate permaneant .

Et

Et quoniam inter Cardinales ad hujusmodi *Protectiones* vocatos alia etiam excitari potest quaestio, an *Oriundi* censi debeant Cives tantum ex *nativitate*, vel alii etiam ex *origine*, *allectione*, ac *privilegio*, quive inter eos servandus sit successionis ordo; Idcirco ut hisce etiam in futurum forsan excitandis dissidiis occurramus, mentem interpretantes Sixti V. Praedecessoris Nostri, decernimus Cives ex sola allectione, vel privilegio, appellatione oriundorum non comprehendi; Eos vero qui tales sint *nativitate*, & *origine* ex locis memoratis, esse ad *Protectiones* admittendos juxta antiquitatis ordinem & mox praescriptam pro diversis regionibus unius post alium successionis methodum; Veruntamen originarios ad praesentem effectum, eos tantum censendos esse a Pontifice Sixto invitatos, qui patrem habuerint in Locis illis natum: Quod si tandem omnes isti Cardinales non extent, tunc reliqui postremo succedant, qui fuerint a Sixto V. nominatim substituti, nempe in *Protectione* Cappellae ad Praesepe primus Cardinalis in Ordine Presbyterorum, in *Protectione* Collegii S. Bonaventurae, qui erit Protector Ordinis Minorum Conventualium, & in *Protectione* Collegii Montis Alti ille Cardinalis, quem Rector, & Scholares elegerint.

Ut autem haec omnia perpetuo firma sint, volumus praesentem Nostram Sanctionem & Schedulam Motus Proprii nullo unquam tempore de subreptionis, vel obreptionis, aut nullitatis vitio, seu intentionis Nostreae, vel quopiam alio defectu notari, sive eam infringi, invalidari, seu revocari posse, sed illam semper validam, & efficacem existere & fore, suosque plenarios, & integros effectus sortiri & obtinere, nec non inviolabiliter observari, etiamsi auditi non fuerint Dilecti Filii Urbinae, Camertes, Fanenses, aliique, quorum interesse poterat, quum ex deliberata nostra voluntate omnia processerint: Sicque per quoscumque Judices Ordinarios,

K

& Com-

& Commissarios quavis auctoritate fungentes etiam Caesarum Palatii Apostolici Auditores , & S. R. E. Cardinales etsi de Latere Legatos , seu Vicelegatos , aut Camera Apostolicæ Præsidentes , & Clericos , & quoscumque alios sublata eis , & eorum cuilibet quavis aliter iudicandi , & interpretandi facultate , & auctoritate , ubique locorum iudicari , & definiri ac sententiari debere , nec non quidquid secus super his a quoquam quavis auctoritate scienier vel ignoranter contigerit attentari , irritum & inane decernimus .

Non obstantibus Constitutione PII IV. Prædecessoris Nostri de registrandis , Regula Cancellariæ de jure quaesito non tollendo , & quibusque aliis Constitutionibus , & Ordinationibus Apostolicis , Indultis , usibus , consuetudinibus , quibus omnibus ad præmissum effectum dumtaxat specialiter & expresse derogamus , cæterisque contrariis quibuscumque .

Volumus autem ut hujusmodi Decretalis , & Schemata transumptis , seu Exemplis etiam impressis manu alicujus Notarii publici subscriptis , & Sigillo Personæ in Ecclesiastica dignitate constitutæ munitis eadem fides ubique locorum tam in iudicio , quam extra illud habeatur , quæ haberetur ipsis præsentibus , si forent exhibitæ , vel ostensæ .

Nulli ergo omnino hominum liceat hanc paginam Nostræ Sententiæ , Declarationis , & Voluntatis infringere , vel ausu temerario contraire .

Datum Rome apud Sanctum Petrum die XII. Maii MDCCCLXXX. Pontificatus Nostri Anno Sexto .

PIUS PP. VI.

Registrata in Camera Apostolica die & Anno prædict. Lib. Signaturar. SSmi existen. in Actis Seraphini Clarelli ejusdem Camera Secretarii , & Cancellarii .

SE-